

欽定歷代職官表

11

4544
15



保
20846
15

欽定歷代職官表卷四十四

八旗都統表

八旗都統

	<small>周鄉師 逐人師 逐師將</small>	三
		秦
		漢
		後漢
		國
		晉
	<small>宋齊 梁陳</small>	北魏
	<small>南 北 部 大 人 部 大 人 部 大</small>	北齊
	<small>六 柱 國</small>	後周
		隋
	<small>諸 折 衝 都 府 尉</small>	唐
		五季
		宋
	<small>各 部 大 諸 部 族 王 左 右 節 度 使</small>	遼
	<small>各 部 節 度 使 各 部 族 詳 表 都 監</small>	金
		元
		明

職官表卷四十四 八旗都統表

廣雅書局

八旗都統

國朝官制

八旗都統滿洲蒙古漢軍旗各一人從一品副都統旗各二人正二品

分掌滿洲蒙古漢軍二十四旗之政令以宣布教養整詰戎兵釐治土田稽覈戶口凡八旗次序以鑲黃正黃正白為上三旗正紅鑲白鑲紅正藍鑲藍為下五旗行軍蒐狩以鑲黃正白鑲白正藍四旗居左為左翼正黃正紅鑲紅鑲藍四旗居右為右翼我

朝自龍興東土諸部以次削平歸附日眾

太祖高皇帝辛丑年始編三百人為一牛錄每牛錄設額真一先

職官表卷四十四 八旗都統

職官表卷四十四 八旗都統

廣雅書局

是我國出兵校獵不論人數多寡各隨族黨屯寨而行每人各取一矢十人設長一領之其長稱爲牛彖額眞至是遂以名官尋復定戶籍分爲四旗曰黃旗曰白旗曰紅旗曰藍旗以純色爲辨乙卯年以初設四旗爲正黃正白正紅正藍增設鑲黃鑲白鑲紅鑲藍四旗黃白藍均鑲以紅紅鑲以白合爲八旗每三百人設一牛彖額眞五牛彖設一甲喇額眞五甲喇設一固山額眞每固山額眞設左右梅勒額眞二人以佐之天聰八年改梅勒額眞以下爲章京惟固山額眞如故其隨固山額眞行營馬兵定爲阿禮哈超哈此爲驍騎營之始九年分設蒙古八旗旗色官制與滿洲八旗同崇德二年始立漢軍二旗四年以漢軍二旗分爲

四旗七年定設漢軍八旗旗色官制與滿洲蒙古八旗同順治十六年鑄給八旗都統二十四印十七年定制固山額眞漢字稱爲都統梅勒章京漢字稱爲副都統雍正元年改八旗都統印滿文固山額眞字爲固山昂邦漢名如舊凡官職除授公差踐更以上下旗爲辨朝祭班列旗籍界止以左右翼爲辨京城八旗方位左翼自北而東自東而南鑲黃旗在安定門內正白旗在東直門內鑲白旗在朝陽門內正藍旗在崇文門內右翼自北而西自西而南正黃旗在德勝門內正紅旗在西直門內鑲紅旗在阜城門內鑲藍旗在宣武門內四周星拱以環衛

宸居焉

八旗驍騎參領滿洲旗各五人蒙古旗各二人漢軍旗各五人

正三品副驍騎參領各如參領之數

享受都統副都統之政令以頒於佐領而行之天聰八年

制管甲喇者即為甲喇章京順治八年定甲喇章京漢字

稱為參領滿字如舊康熙三十四年每甲喇增置委署參

領各一人於世爵佐領等員內選用雍正元年改為副參

領七年又增置左右司掌關防參領旗各二人十三年省

八旗佐領滿洲六百八十一人蒙古二百有四人漢軍二百六

十六人正四品驍騎校每佐領下一人正六品

掌稽所治人戶田宅兵籍以時頒其職掌初天命元年始

編置滿洲牛录八年增編蒙古牛录天聰四年增編漢軍

牛录八年制管牛录者即為牛录章京順治十七年定牛

录章京漢字稱為佐領分得撥什庫漢字稱為驍騎校滿

文如舊佐領所治以三百人為率丁口滋生則遞有增設

今以見數計之滿洲佐領鑲黃旗八十六人內二人半正

黃旗九十三人內一人半個佐領一人兼辦番子事務正白旗八十六人正

紅旗七十四人鑲白旗八十四人鑲紅旗八十六人正藍

旗八十四人內一人半個佐領鑲藍旗八十八人內一人半個佐領蒙古

佐領鑲黃旗二十八人正黃旗二十四人正白旗二十九

人正紅旗二十二入鑲白旗二十四人鑲紅旗二十二入

正藍旗二十人鑲藍旗二十五人漢軍佐領鑲黃旗四十

一人正黃正白二旗各四十人正紅旗二十八人鑲白旗

三十人鑲紅正藍鑲藍三旗各二十九人佐領之制有世襲有公中世襲佐領有四等

國初各部落長率其屬來歸授之佐領以統其眾爰及苗裔者曰勳舊佐領其率眾歸誠功在旗常得

賜戶口者曰優異世管佐領其僅同弟兄族里來歸因授之以職奕葉相承者曰世管佐領其戶少丁稀合編佐領兩姓

三姓迭為是官者曰互管佐領皆以應襲者引

見除授公中佐領則因八旗戶口蕃衍於康熙十三年以各佐

領撥出餘丁增編佐領使旗員統之有缺則以本旗不兼

部務之大臣世爵及五品以上文武官內簡選除授焉滿

洲蒙古每佐領下領催五人驍騎二十人弓匠一人鞍匠

或鐵匠一人漢軍每佐領下亦領催五人鳥槍驍騎四十

一人擡鹿角兵八人每旗籐牌兵一百人礮手四十人

印務參領滿洲旗各二人蒙古旗各一人漢軍旗各二人於本

領內印務章京滿洲旗各八人蒙古旗各四人漢軍旗各六人

選充於佐領驍騎校印務筆帖式滿洲旗各八人蒙古旗各四人漢

世職內選充軍旗各六人於生監甲隨印外郎滿洲漢軍旗各一人蒙古旗

各二人於滿洲官學

掌章疏文移案牘及繙譯行遣之事雍正七年每旗設左

右司掌關防參領章京及司務等員十三年俱省改設印

務參領章京筆帖式員額乾隆元年定

謹案今制八旗有值年公署歲列都統副都統銜名奏

請

簡派掌八旗會理之事選左右翼官校之賢能者分治之領
催驍騎掌書鈔各舉職以從其長課事考成歲終則會
已結未結之事彙疏以

間所屬之稱職者於每歲更代日各本旗以應陞注冊立法
最爲詳備謹附識於此

歷代建置

謹案歷代兵制因革紛殊而推其建置之由大抵實同
名異其有出於特創無所因襲而足爲億萬世法程者
則我

朝八旗之制是也敬惟

國家神武開基

龍興之初建旗辨色用飭戎行厥後歸附既眾卽案行軍
旗色以定戶籍先立四旗尋增建爲八旗然猶統滿洲
蒙古漢軍而合于一迨後戶口日繁乃次第編置蒙古
漢軍八旗合爲二十四旗制度詳備及

定鼎京師分田授宅辨方正位在內則有親軍前鋒護軍驍
騎步軍之分在外則有各直省駐防之制而悉統之以
八旗設官分職教養生成蓋以旗統人卽以旗統兵凡
在隸乎旗者皆可以爲兵非如前代有僉派召募之煩
而後收兵之用故不見異而遷則其心純壹相觀摩而
善則其氣果敢居則環衛周防出則折衝禦侮臂指之

職官表卷四十四

八旗都統

七

廣雅書局

使磐石之固洵可超越百代垂法億年規制之善實從來所未有非若他官遞相依仿有沿革之可言謹以周官大司馬職及列史兵志所載詳悉參證惟周之鄉遂出軍兵農各一者立法最爲相近秦漢而下改用募軍饋餉日以滋繁兵民不復相習非驕卽弱職此之由雖其得失亦有不同而以視今八旗定制俱不啻判若天淵竝無可比擬於萬一者求其約略近似則獨唐之折衝果毅府差相彷彿而北魏之八部大人遼之諸部族節度使金之諸明安穆昆亦猶有大輅椎輪之意謹各加採摭著之於篇而其餘諸代之無可比附者則竝闕而不載亦以見

聖人首出顯庸勅制其精意所在固有媿邁古今無能媲美者爾

三代

〔周禮夏官〕凡制軍萬有二千五百人爲軍王六軍軍將皆命卿二千五百人爲師師帥皆中大夫五百人爲旅旅帥皆下大夫百人爲卒卒長皆上士二十五人爲兩兩司馬皆中士五人爲伍伍皆有長一軍則二府六史胥十人徒百人〔鄭康成注〕軍師旅卒兩伍皆眾名也伍一比兩一閭卒一旅旅一黨師一州軍一鄉家所出一人將帥長司馬者其師吏也凡軍帥不特置選於六官六鄉之吏自卿以下德任者使兼官焉

周禮地官大司徒卿一人小司徒中大夫二人鄉師下大夫四人鄉老二鄉則公一人鄉大夫每鄉卿一人州長每州中大夫一人黨正每黨下大夫一人族師每族上士一人閭胥每閭中士一人比長五家下士一人大司徒之職令五家爲比使之相保五比爲閭使之相受四閭爲族使之相轄五族爲黨使之相救五黨爲州使之相調五州爲鄉使之相賓小司徒之職會萬民之卒伍而用之五人爲伍五伍爲兩四兩爲卒五卒爲旅五旅爲師五師爲軍以起軍旅以作田役以比追胥以令貢賦鄉大夫之職各掌其鄉之政教禁令州長各掌其州之教治政令之法黨正各掌其黨之政令教治族師各掌其族之戒令政事閭胥

各掌其閭之徵令比長各掌其比之治○遂人中大夫二人遂師下大夫四人上士八人中士十有六人旅下士三十有二人府四人史十有二人胥十有二人徒百有二十人遂大夫每遂中大夫一人縣正每縣下大夫一人鄙師每鄙上士一人鄩長每鄩中士一人里宰每里下士一人鄰長五家則一人遂人掌邦之野造縣鄙形體之法五家爲鄰五鄰爲里四里爲鄩五鄩爲鄙五鄙爲縣五縣爲遂皆有地域溝樹之以歲時稽其人民而授之田野簡其兵器教之稼穡以歲時登其夫家之眾寡及其六畜車輦辨其老幼廢疾與其施舍者以頒職作事以令貢賦以令師田以起政役遂師各掌其遂之政令戒禁遂大夫各掌其

職官表卷四十四 八旗都統 九 廣雅書局

遂之政令縣正各掌其縣之政令徵比以頒田里以分職
事掌其治訟趨其稼事而賞罰之鄙師各掌其鄙之政令
祭祀鄩長各掌其鄩之政令里宰掌比其邑之眾寡與其
六畜兵器治其政令鄰長掌相糾相受凡邑中之政相贊
崔靈恩三禮義宗周制天子六鄉六遂諸侯大國三鄉三
遂小國一鄉一遂鄉及遂各萬二千五百家鄉內則立比
閭族黨州鄉之名遂內則立鄰里鄩鄙縣遂之名俱有六
等異其屬官之名者別內外也

易祓周禮總義先王軍制調兵必五數出兵必百數五家
爲比則五人之伍五比爲閭則五伍之兩以至五黨爲州
則五旅之師五州爲鄉則五師之軍其積數實起於五人
之伍不五數不足以調兵也百人之卒成一小陳五百人
之旅成一中陳二千五百人之師成一大陳萬二千五百
人之軍成五大陳其積數實起於百人之卒不百數不足
以出兵也

孔穎達春秋正義家出一人故鄉爲一軍天子六軍出於
六鄉大國三軍出於三鄉古者用兵天子先用六鄉六鄉
不足取六遂六遂不足取公卿采邑及諸侯邦國若諸侯
出兵先盡三鄉三遂鄉遂不足然後總征境內之兵

漢書刑法志殷周以兵定天下既定設六軍之眾
井田以制軍賦地方一里爲井井十爲通通十爲成
方十里成十爲終終十爲同同方百里同十爲封封十爲畿

畿方千里有稅有賦稅足以食賦足以兵

〔陳祥道禮書〕先王之於家也既以五家爲比爲鄰積之至萬二千五百家爲鄉爲遂其於人也既以五人爲伍爲兩積之至萬二千五百人而又十家爲聯以聯其居十人爲聯以聯其事如此則居作相友戰守相衛有同心而無離德也管子相齊使居則五家爲軌十軌爲里十里爲連十連爲鄉出則五人爲伍十伍爲戎十戎爲卒十卒爲旅蓋先王之遺制然也

謹案我

朝八旗之設實勗前古所未有而詳釋立法之意以上稽列代則惟成周之鄉遂制軍其規模頗有相似者蓋周人以田定賦以賦出兵征伐隸之司馬伍籍屬之司徒居則爲比閭族黨州鄉鄰里鄩鄙縣遂以定戶役出則爲伍兩卒旅師軍以敵王愾其兵卽六鄉六遂之民其官卽鄉大夫遂大夫州長縣正之屬法令簡而心志壹故其恩足相恤義足相救服容相別音聲相識無事則各安其作息之常有事則戰無不克洵一代之良法也特是周制王畿千里爲六十四萬井五百一十二萬家一夫五百一十二萬夫以此夫眾而供萬乘之賦爲七家而賦一兵則亦未必民皆可戰

國家八旗分建教育精詳凡在隸籍於旗者無不可以膺折衝之選其風俗淳厚有勇知方視周之盛時較爲過

之至於設官分職則雖不襲古制而自有相合者如今
之都統副都統頗近鄉師鄉大夫遂人遂師遂大夫之
職參領副參領頗近州長縣正黨正鄙師之職佐領頗
近族師閭胥鄧長里宰之職驍騎校頗近比長鄰長之
職而小司徒所謂以起軍旗以作田役以比追胥以令
貢賦者其職掌所在亦復約略相同仰見
聖朝制作建諸天地攷諸三王洵所謂揆一源同若合符節
者矣

周禮夏官司常師都建旗

周禮地官遂人若起野役則令各帥其所治之民而至以
遂之大旗致之

劉熙釋名熊虎爲旗旗期也軍將所建象其猛如熊虎與
眾期其下也

謹案史記天官書正義河鼓兩旗左旗九星在河鼓左
右旗九星在河鼓右皆天之旗鼓以爲旌表又九旒九
星在玉井西南則天子之兵旗也故自古聖人皆憲天
垂象以旗爲蒞軍徵眾之物

本朝始立八旗其取義實本於此謹附識大略以明
昭代勅建隆規有與天地合其德者也

秦 未置

漢 未置

三國 未置

晉

〔司馬光資治通鑑〕晉孝武帝太元八年秦王堅拜秦州主簿趙盛之為少年都統〔胡三省注〕都統官名起于此

謹案秦王堅選良家子年二十以下有材勇者拜羽林郎得三萬餘騎故為趙盛之特設是官以領之與八旗之制本不相合然都統官號實肇見於此故附載以著權輿所自焉

宋齊梁陳 未置

北魏

〔魏書官氏志〕昭成即位諸方雜人來附者總謂之烏丸各以多少稱酋庶長分為南北部復置二部大人以統攝之

時帝弟觚監北部子實君監南部分民而治若古之二伯焉太祖登國元年因而不改南北猶置大人對治二部是年置都統長領殿內之兵天興元年十二月置八部大人於皇城四方四維面置一人以擬八座謂之八國天賜元年十一月以八國姓族難分故國立大師小師令辨其宗黨品舉人才四年增置侍官命取八國良家有器望者充之

〔資治通鑑〕宋高祖永初三年魏興東西劉絜營陽王景平元年魏世祖以襄城公盧魯元會稽公劉絜司衛監尉眷散騎常侍劉庫仁等八人分典四部〔胡三省注〕四部東西南北四部也魏初置四部大人坐王庭決辭訟以言語

〔職官表〕卷四十四 八旗都統

〔職官表〕卷四十四 步軍統領

〔廣雅書局〕

約束刻契記事無固圉考訊之法犯罪者皆臨時決遣後
又有八部大人既得中原建平城爲代郡分布八部于畿
內

魏書太祖本紀登國元年以長孫嵩爲南部大人叔孫普
洛爲北部大人天賜三年發八部男丁築灋南宮

魏書賀狄干列傳稍遷北部大人登國初與長孫嵩爲對
謹案魏書稱北魏初安帝統國諸部有九十九姓至獻
帝時七分國人使諸兄弟各攝領之乃分其氏七族之
興自此始其後又分南北部又分爲南北東西四部各
置大人尋又改爲八部謂之八國亦設大人以領之其
制頗與今八旗相近其各部大人卽如今之都統而八

國各置大師小師卽如今之參領佐領也特當時規制
率略遷洛以後頓忘舊風八部之在平城者無所統率
以致六鎮淪胥政歸高氏代都舊姓竟不能其效干城
亦可以見其建置之不善矣至魏以都統長領殿內之
兵則都統已爲常設之職亦與符秦之以行軍暫置者
不同也

北齊 未置

後周

馬端臨文獻通考周太祖輔西魏時用蘇綽言始仿周典
置六軍籍六等之民擇魁健材力之士以爲之首盡蠲租
調而刺史以農隙教之合爲百府每府一將主之分爲

二十四軍開府各領一軍大將軍凡十二人每一將軍統
二開府一柱國主二大將將復加持節都督以統焉凡柱
國六員眾不滿五萬人

謹案後周始仿三代寓兵於農之意勸設府兵雖其初
亦籍民為之與今八旗之制不合然其上下統治之法
亦頗有相近者蓋郎將主一府如今之佐領開府領一
軍如今之參領而柱國大將軍則如今之都統副都統
也

隋

隋書百官志親衛府置開府一人有長史司馬錄事及倉
兵等曹參軍法曹行參軍各一人行參軍三人諸府皆領
軍坊每坊置坊主一人佐二人每鄉團置團主一人佐二
人煬帝即位改諸鷹揚府驃騎為鷹揚郎將車騎為鷹揚
副郎將鷹揚每府置越騎校尉一人掌騎士步兵校尉二
人領步兵又改副郎將並為鷹擊郎將

文獻通考隋兵制仍周府兵之舊而加潤色諸府之兵有
郎將副將坊主團主以相統治又別置折衝果毅此府兵
之大略也

謹案隋仍用府兵之制其郎將以下諸官與後周略同
惟坊主團主則後周所未及蓋使各掌其坊團之事正
如周官之有比長鄰長也

唐

新唐書兵志武德初始置軍府以驃騎車騎兩將軍府領之析關中爲十二道皆置府置將副各一人以督耕戰以車騎府統之六年以天下既定遂廢十二軍改驃騎曰統軍車騎曰別將居歲餘十二軍復而軍置將軍一人軍有坊置主一人以檢察戶口勸課農桑太宗貞觀十年更號統軍爲折衝都尉別將爲果毅都尉諸府總曰折衝府凡天下十道置府六百三十四皆有名號而關內二百六十有一皆以隸諸衛凡府三等兵千二百人爲上千人爲中八百人爲下府置折衝都尉一人左右果毅都尉各一人長史兵曹別將各一人校尉六人士以三百人爲團團有校尉五十人爲隊隊有正十人爲火火有長火備六馱馬

凡火具烏布幕鐵馬孟布槽鋪鑊鑿碓筐斧鉗鋸皆一甲牀二鎌二隊具火鑽一曾馬繩一首羈足絆皆三人具弓一矢三十胡祿橫刀礪石大觿氈帽氈裝行滕皆一麥飯九斗米二斗皆自備持其介冑戎具藏於庫有所征行則視其人而出給之其番上宿衛者惟給弓矢橫刀而已凡民年二十而兵六十而免其能騎而射者爲越騎其餘爲步兵武騎排攢手步射其隸於衛也左右衛皆領六十府諸衛領五十至四十其餘以隸東宮六率凡發府兵皆下符契州刺史與折衝勘契乃發若全府發則折衝都尉以下皆行不盡則果毅行少則別將行當給馬者官予其直市之刺史折衝果毅歲閱不任戰事者鬻之以其錢更市

不足則一府其足之凡當宿衛者番上兵部以遠近給番
五百里爲五番千里七番一千五百里八番二千里十番
外爲十二番皆一月上若簡留直衛者五百里爲七番千
里八番二千里十番外爲十二番亦月上元宗開元六年
始詔折衝府兵每六歲一簡自高宗武后時天下久不用
兵府兵之法寢壞番役更代多不以時衛士稍稍亡匿至
是益耗散宿衛不能給宰相張說乃請一切募士宿衛天
寶以後折衝諸府至無兵可交李林甫遂請停上下魚書
其後徒有兵額官吏而戎器馱馬鍋幕糗糧並廢矣初府
兵之置居無事時耕於野其番上者宿衛京師而已若四
方有事則命將以出事解輒罷兵散於府將歸於朝故士
不失業而將帥無握兵之重所以防微漸絕禍亂之萌也
及府兵法壞而方鎮盛武夫悍將雖無事時據要險專方
面既有其土地又有其人民又有其甲兵又有其財賦以
布列天下然則方鎮不得不強京師不得不弱故曰措置
之勢使然者以此也

新唐書百官志諸衛折衝都尉府每府折衝都尉一人左
右果毅都尉各一人別將各一人長史各一人兵曹參軍
事各一人校尉五人旅帥人十隊正二十人副隊正二十
人折衝都尉掌領屬備宿衛師役則總戎資糧點習以三
百人爲團一校尉領之左右果毅都尉掌貳都尉每府錄
事一人府一人史二人

職官表卷四十四
謹案唐之府兵一寓於農其居處教養畜材待事動作
休息皆有節目說者謂歷代以來最爲良法推其所自
蓋亦本周官鄉遂出軍之法而變通之而其兵皆隸十
六衛以番上宿衛則與今親軍前鋒護軍之皆統于八
旗其規制亦頗有相似者特十六衛將軍專領禁兵近
今領侍衛大臣及前鋒護軍統領之職而不可以當八
旗都統惟折衝果毅二都尉各領一府雖其秩止四品
而以職掌論之實爲今都統副都統之比故當時大將
如薛仁貴王忠嗣郭知運張守珪哥舒翰邢君牙段秀
實王方翼楊朝晟等皆曾領此職亦可知其選之非輕
矣至別將如今參領每團各一校尉如今佐領而隊正

如今之驍騎校其體制大小亦有差相彷彿者謹並著
之於表以見唐代府兵散居諸道遠不及我

朝之八旗勁旅環拱京城而史稱其番調有時教閱有法
統御有律團伍有籍則其制兵之術固猶爲彼善於此
也

〔舊唐書百官志〕都統乾元中始置或總五道或總三道上
元末省大中後討徐州以康承訓討黃巢以王鐸皆爲都
統

〔李涪刊誤〕辛丑歲大駕在蜀以巨寇未殄命中書令王鐸
仗節鎮滑臺且統關東諸將收復京國時有論曰京西北
言統者三四人慮不稟鐸之節制宜立其號曰都都統自

秦漢已降將相統戎蓋多無有都都統之號所引故事則曰先帝時命李可及爲都都知此則故事也然中令急於殄寇不以是爲辱曷不曰諸軍四面行營都統制帥之號莫過于斯

〔資治通鑑〕僖宗中和二年以王鐸兼中書令充諸道行營都都統通鑑攷異舊紀傳新傳鐸爲都都統新紀作都統實錄初除及罷時皆爲都統中間多云都都統又西門思恭爲都都監案此時諸將爲都統者甚多疑鐸爲都都統是也

〔王應麟〕玉海唐天寶末置天下兵馬大元帥都統朔方盧龍節度都統之名始于此乾元元年李暉爲都統淮南江

東西節度使都統之官始于此唐制或總五道或總三道又有行營都統副都統一時兵興稱謂不一

〔葉夢得〕石林燕語唐乾元中以戶部尙書李暉爲都統淮南江東江西節度使始立都統之號其後以節度使充者建中二年李勉以汴州節度使充汴宋滑毫河陽等道都統是也宰相充者中和二年王鐸以司徒中書令爲京城四面諸道行營兵馬都統是也

謹案唐時始以都統爲軍帥之號爲仗鉞專征者始得授以此職與今八旗都統不同然稱名沿革所由未可槩略今併附識於此

五季 未置

宋未置

遼

遼史營衛志部落曰部氏族曰族契丹故俗分地而居合

族而處有族而部者五院六院之類是也有部而族者奚

王室韋之類是也有部而不族者托里蒙古語鏡也原

默蒙古語駝也原刷滿洲語山後叢林也哈準滿洲語器

作特勉今改正之類是也有族而不部者約尼滿洲語全也原

九帳皇族三父房是也契丹之初草居野次靡有定所至

聶哱滿洲語單弱也原始置部族各有分地太祖之興以

德哱勒索倫語臉也原部強熾析為五院六院奚六部以

下多因俘降而置勝兵甲者即著軍籍分隸諸路詳衮統

軍招討司各安舊風狃習勞事不見紛華異物而遷故家

給人足戎備整完虎視四方強朝弱附部族實為爪牙云

○遼內四部族約尼九帳族橫帳三父房族國舅帳巴哩

伊蘇濟勒蒙古語巴哩執長也伊蘇九數也濟族國舅部

族○太祖二十部二國舅升帳分止十八部五院部隸北

府錫林滿洲語精銳也原四六院部隸北府錫林四伊實

唐古特語智慧也部隸南府錫林二丕勒滿洲語數術也

部屬西北路招討司錫林二卓特原作物今改正部屬

西北路招討司錫林二威唐古特語叢林也部屬東北路

招討司錫林二納喇原作物今改正部屬西南路招

討司錫林二圖魯卜蒙古語形勢也原部屬西北路招討

職官表卷四十四 八旗都統

廣雅書局

職官表卷四十四 八旗都統

廣雅書局

司錫林二圖吉

滿洲語雲也原作突舉今改正

部隸南府錫林二奚王六

部五帳分隸北府○聖宗三十四部以舊部族置者十六

增置十八

遼史百官志部族詳見營衛志設官之制具如左○大部

族○某部大王本名額爾奇木

蒙古語貴也原作夷離堇今改正

某部左

宰相某部右宰相某部太師某部太保某部太尉某部司

徒本名特哩袞

蒙古語頭也原作惕隱今改正

○某部節度使司某部節

度使某部節度副使某部節度判官○某部族詳袞司某

部族詳袞某部族都監某部族將軍某部族小將軍○某

錫林某錫林額爾奇木某錫林瑪爾布

唐古特語紅色也原作麻普今改正

亦曰馬步本名錫林達爾罕

蒙古語凡有勤勞者免其差役之謂原作達刺干今改正

某錫林牙書○某密拉

滿洲語滿開也原作彌里今改正

密拉鄉也某密

拉詳袞本名曰穆特布

滿洲語令其成就也原作馬特本今改正

○小部族○

某部族司徒府某部族司徒某部族司空○某部族節度

使司○某部族詳袞司○某錫林詳袞

原作令穩

瑪爾布

牙書○某密拉詳袞

謹案遼部族有大小之分又多分居邊境兼轄於統軍

招討各司與今八旗之制較為不同然設官分職其規

模亦頗相近如諸部所屬之錫林其數互有多寡蓋即

如今之編設佐領而帳分諸部族則如今之上三旗也

遼史百官志遼北面行軍官有行軍都統所行軍都統行

軍副都統

謹案都統副都統之名至遼而始備金初之伐遼也以
貝勒杲為內外諸軍都統宗翰宗磐副之而伐宋之役
以宗望為南京路都統劉彥宗為漢軍都統其餘軍官
多用此名蓋亦沿遼之制而加詳者也

金

〔金史兵志〕金之初年諸部之民無它徭役壯者皆兵平居

則聽以佃漁射獵習為勞事有警則下令部內及遣使詣

諸貝勒滿洲語管理家人之稱原作字堇今改正徵兵凡步騎之仗糗皆取備

焉其部長曰貝勒行兵則稱曰明安穆昆解俱見理藩院

領從其多寡以為號穆昆之副曰富祿伊滿洲語多餘也

改正即仿佛今士卒之副從曰伊勒希滿洲語副也原作

之驍騎校也部卒之數初無定制至太祖即位之二年既以二千五百

破耶律色寶滿洲語豆剌剪子股也原作謝十今改正始命以三百戶為穆昆

穆昆十為明安繼而諸部來降率用明安穆昆之名以授

其首領而部伍其人出河之戰兵始滿萬而遼莫能敵矣

及東京既平山西繼定內收遼漢之降卒外籍部族之健

士嘗用遼人額哩頁蒙古語花紋也原作以北部百三十戶

為一穆昆漢人王六兒以諸州漢人六十五戶為一穆昆

王伯龍及高從祐等並領所部兵為一明安至天會二年

宗望恐風俗糅雜民情弗便乃罷是制諸部降人但置長

吏以下從漢官之號五年伐宋之役調燕山雲中中京上

京東京遼東平州遼西長春八路民兵隸諸萬戶其間萬

戶亦有專統漢軍者熙宗皇統五年又罷遼東漢人渤海
 明安穆昆承襲之制寢移兵柄於國人乃分明安穆昆為
 上中下三等宗室為上餘次之至海陵庶人天德二年省
 併中京東京臨潢咸平泰州等路節鎮及明安穆昆削上
 中下之名但稱為諸明安穆昆循舊制間年一徵發以補
 老疾死亡之數貞元遷都遂徙上京路太祖遼王宗幹秦
 王宗翰之明安併為哈濟解具領侍衛篇明安及右諫議沃哩布
 滿洲語存留也原明安太師勗宗正宗敬之族處之中都
 作烏里補今改正沃倫滿洲語馬肚帶也和尚呼喇蒙古語兩也原
 作烏里補今改正太保昂詹事烏哩頁蒙古語請也原作輔國博勒和滿洲
 淨也原作烏定遠蘇勒庫滿洲語花架也原臬國公伯特
 魯骨今改正

滿洲語無能為者之八明安處之山東阿魯蒙古語山陰
稱原作勃迭今改正之族處之北京諳達滿洲語夥伴也原族屬處之河
今改間皆授田牛使之耕食以藩衛京國世宗大定初散契丹

隸諸明安穆昆十五年遣吏部郎中富察烏瑋富察原作
八旗氏族通譜改正烏瑋滿洲等十人分行天下再定明
語包裹也原作兀虎今改正定穆昆戶每穆昆戶不過三百七穆昆至十穆昆置一明

安二十年以祖宗平定天下以來所建立明安穆昆因循
 既久其間有戶口繁簡地理遠近不同又自正隆之後所
 授無度及大定間亦有功多未酬者遂更定以詔天下復
 命新授者並令就封其穆昆人內有六品以下職及諸局
 承應人皆為遷之三從以上族人願從行者明安不得過

十戶穆昆不得過六戶二十一年詔遣大興尹完顏托果

斯蒙古語孔雀也原遷河北東路兩明安上曰朕始令移

此欲令與女直戶相錯安置久則自相姻親不生異意此

長久之利也今者伊瑪蒙古語小羊也原河相錯以居甚

符朕意而約羅蒙古語藏狗也原河明安不如此可再遣

兵部尙書張納延蒙古語八十數也原按視其地以雜居之

二十三年遷山東東路八穆昆處之河間其棄地以山東

東路特赫滿洲語潦水也原河明安下札哈滿洲語刀船

今改穆昆額勒敏滿洲語劣馬也原鄂勒歡滿洲語乾燥

正今改明安下錫布滿洲語合塞也原穆昆佛們滿洲語唇

母溫今改山穆昆九村八戶徙于瑤僧安和二穆昆之舊地

上嘗以率賓呼爾哈解具奉天將軍篇人驍勇可用二十四年以

上京地廣而腴遂遷率賓一明安呼爾哈一明安二十四

穆昆以實之蓋欲上京兵多它日可為緩急之備也當是

時多易置河北山東所屯之舊括民地而為之業戶頒牛

而使之耕畜甲兵而為之備乃大重其權授諸王以明安

之號或新置者特賜之名制其奢靡禁其飲酒習其騎射

儲其糧備其備至嚴也是時宗室戶百七十明安二百二

穆昆千八百七十八戶六十一萬五千六百二十四所謂

渤海軍則渤海八明安之軍所謂奚軍者奚人約尼扎古

雅蒙古語欲咬之謂原九明安之兵也

〔金史百官志〕諸明安穆昆明安從四品掌修理軍務訓練

〔職官表卷四十四〕八旗都統

〔廣雅書局〕

武藝勸課農桑司吏四人譯一人塔瑪索倫語行圍收合也原作持馬今改

正差役人數竝同舊例諸穆昆從五品掌撫輯軍戶訓練

武藝女直司吏一人譯一人塔瑪○諸部族節度使節度

使一員從三品統制各部鎮撫諸軍節度副使一員從五

品判官一員知法一員○諸紉詳袞一員從五品掌守戍

邊堡餘同穆昆皇統八年六月設本班左右詳袞定為從

五品默濟格滿洲語傳信之信也原作麼忽今改正一員從八品掌貳詳袞

司吏三人實納昆蒙古語實納新也昆人原作習尼昆今改正掌本紉差役等

事塔瑪隨從也○諸額爾奇木解見上司額爾奇木一員從

八品分掌部族村寨事司吏女直一人漢人一人實納昆

塔瑪○諸圖哩滿洲語豆也原圖哩一員從七品掌部落作禿里今改正

詞訟訪察違背等事女直司吏一人通事一人

謹案金之部伍似近本

朝八旗子弟兵其以三百戶為穆昆穆昆十為明安與今

之參領佐領相近其以契丹漢人及渤海軍奚軍俱設

明安與今之蒙古漢人竝列八旗相近然天會以後屢

設屢罷又散處中都上京西京河北山東河東陝西諸

州縣此疆彼界失所統轄法制未能嚴密稽核未能精

詳其視我

朝八旗之部伍整肅體制相維盡統領之方效指臂之用

不可同日語也遼制有部有族部族所屬有錫林元亦

有蒙古軍特默齊軍於編置部伍規模亦約略近似顧

條制尙多疏略豈如我

朝規制以旗隸人卽以旗隸兵統之以八分之以二十四
意精法善備極嚴密可以爲億萬世法則乎

元

〔元史兵志〕元初有蒙古軍特默齊蒙古語牧駝人也原軍作探馬赤今改正

蒙古軍皆國人特默齊軍則諸部族也其法家有男子年
十五以上七十以下無眾寡盡僉爲兵十人爲一牌設牌
頭上馬則備戰鬪下馬則屯聚牧養孩幼稍長又籍之曰
漸丁軍旣平中原發民爲卒是爲漢軍或以貧富爲甲乙
戶出一人曰獨戶軍合二三而出一人則爲正軍戶餘爲
貼軍士卒之家爲富商大賈則又取一人曰餘丁軍或取

匠爲軍曰匠軍或取諸侯將校之子弟充軍曰質子軍又

曰圖嚕格蒙古語質物也原作禿魯華今改正軍是皆多事之際一時之制

天下旣平嘗爲軍者定入尺籍伍符不可更易以兵籍係
軍機重務漢人不閱其數雖樞密近臣職專軍旅者惟長
官一二人知故有國百年而內外兵數之多寡人莫有知
之者

謹案元之軍制本由僉發故隨時調遣竝無一定之籍
其所謂蒙古軍特默齊軍者亦但有是名其實征戍之
法與漢軍無殊未嘗別爲條制也

明未置

謹案明代京兵三大營曰五軍曰三千曰神機後變爲

十二團營又變爲兩官廳其兵則糾集市僧全無紀律其提督坐營等官亦多世胄統袴雖其制亦略似我朝之步軍統領管轄五營而軍務盡領于內監腐身熏子掣肘戎行至營中將卒類爲中官私人毫不知兵濫耗名糧注名買替濶充冊籍一旦有事相率潰奔將不知兵兵不習將所謂三大營者有其名而失其實京兵之弱莫有如明代之甚者蓋緣明制招募烏合本無部伍子弟可備簡擇之人遼金元有其人而立法未臻詳備豈如我

國家八旗勁旅法良制密平時則守衛巡防征討則折衝禦侮有治人且有治法者乎明之京兵營制雖不可與八旗同言竝論要其因仍積弱不能自振可爲鑒戒故特附著于此以揭其弊焉

欽定歷代職官表卷四十四

太倉錢清貽初校
番禺陶紹學覆校
番禺陶福祥再覆校

前鋒護軍統領表

周	前鋒護軍統領	衛尉
秦	前鋒護軍統領	衛尉
漢	前鋒護軍統領	衛尉
魏	前鋒護軍統領	衛尉
晉	前鋒護軍統領	衛尉
宋	前鋒護軍統領	衛尉
齊	前鋒護軍統領	衛尉
梁	前鋒護軍統領	衛尉
陳	前鋒護軍統領	衛尉
北魏	前鋒護軍統領	衛尉
北齊	前鋒護軍統領	衛尉
北周	前鋒護軍統領	衛尉
隋	前鋒護軍統領	衛尉
唐	前鋒護軍統領	衛尉
五代	前鋒護軍統領	衛尉
宋	前鋒護軍統領	衛尉
遼	前鋒護軍統領	衛尉
金	前鋒護軍統領	衛尉
元	前鋒護軍統領	衛尉
明	前鋒護軍統領	衛尉

職官表卷四十五 前鋒護軍統領表
廣雅書局

前鋒護軍統領

國朝官制

前鋒統領左右翼各一人

正二品或以王公大臣兼領

掌本翼四旗前鋒之政令

鑲黃正白鑲白正藍四旗為左翼正黃正紅鑲紅鑲藍四旗為

右翼初天聰八年定巴牙喇營前哨兵為噶布什賢超哈順

治十七年定噶布什賢噶喇衣昂邦漢字稱為前鋒統領

每翼各設一人以總其事焉

前鋒參領前鋒侍衛左右翼各八人

參領正三品侍衛正四品凡前鋒營各官皆滿洲蒙

古兼用委署前鋒侍衛左右翼各四人

以前鋒校或親軍校選委從五品前鋒校

左右翼各四十八人

正六品

掌督率前鋒警蹕宿衛凡

行幸止頓於

御營一二里外安設卡倫立前鋒旗以為門戶列帳守衛以前
鋒參領前鋒侍衛共四人前鋒校前鋒共百二十人董其
役焉

國初設噶布什賢章京順治十七年定為前鋒參領並置前
鋒侍衛前鋒校等員額乾隆十七年增置委署前鋒侍衛
旗各一人前鋒軍八旗滿洲蒙古每佐領各二人分其半
以兼習鳥槍設之什長隊長以時訓練而黜陟之

隨印協理事務前鋒參領侍衛左右翼各一人隨印前鋒校左
右翼各二人隨印筆帖式左右翼各二人

掌案牘文移隨印參領侍衛及前鋒校俱雍正三年定筆
帖式初制每翼各一人康熙四十六年省雍正三年復增

置

護軍統領每旗各一人正二品

掌護軍之政令

國初設巴牙喇營統以巴牙喇纛章京順治十七年定漢字
稱為護軍統領設員額如今制

護軍參領每旗滿洲十人蒙古四人正三品內司鑰長署司鑰長

每旗各一人以前鋒參領護軍參領鳥槍護軍參領選除授副護軍參領每旗滿洲

十人蒙古四人初置五品雍正十年定為正四品委署護軍參領每旗各七人

以護軍校選委從五品護軍校滿洲蒙古每佐領各一人正六品

掌董率護軍守衛

宮殿門戶及

紫禁城外環列周廬番上宿直傳籌巡警凡禁門扇鑰啟閉以時置籍以驗出入

車駕行幸則宿衛

御營專司網城推舖及清道警蹕之禁令

國初設巴牙喇營甲喇章京順治十七年定漢字稱為護軍參領又設署護軍參領雍正元年改為副護軍參領乾隆十七年復設委署護軍參領員額護軍八旗滿洲蒙古每佐領各十七人初制以上三旗護軍參領護軍校護軍等守衛

禁門下五旗各守王公府門遇行圍出征則八旗一律分撥

雍正七年始定八旗護軍均司禁衛焉

隨印協理事務護軍參領副護軍參領每旗各一人隨印護軍校每旗各二人隨印筆帖式每旗各二人門筆帖式鑲黃正黃正白三旗各十人

掌案牘文移隨印參領副參領及護軍校俱雍正三年定筆帖式初制每旗各一人康熙四十六年省雍正三年復增置門筆帖式初制未設後增置

圓明園八旗護軍營總統無定員以王公大臣兼任

堂

圓明園翊衛之政令雍正二年始置于
禁苑周圍建營房八所選

京中八旗官軍分地駐劄專司宿直以王公大臣統轄營務
馬

營總護軍參領每旗各一人均正三品副護軍參領每旗各二人初制六品雍正十年升為正四品署副護軍參領每旗各四人初制六品雍正十年升為正五品護軍校每旗各八人正六品副護軍校每旗各八人從八品

掌守衛
御園番直巡警凡

車駕出入則率其徒以司清蹕之事營總副參領署副參領俱
雍正三年置參領雍正十年增置護軍校初置八十人雍正十年增置三十二人乾隆十二年又增十六人副護軍校雍正七年置初定七十二人十年增置四十人乾隆十

二年又增十六人護軍三千六百七十二人教養兵四百八十人

隨印協理事務營總護軍參領各二人隨印護軍校四人隨印筆帖式八人

掌案牘文移乾隆十六年置

御營嚮導總統無定員以前鋒統領護軍統領八旗副都統兼任嚮導處參領侍衛各四人前鋒校護軍校各六人皆于前鋒護軍營內選用

嚮導之職凡遇

時巡省方以總統一人先期率官校詣車駕經行之地周覽山川通橋梁夷險隘計程入告駕行佩囊韉前導每日

駐蹕後以次日程途及
駐蹕之所奏

聞交兵部曉諭闔營

回鑾亦如之凡

御營及頓營看營均由嚮導總統先期指示飭所在有司敬謹

修治焉

謹案嚮導雖無專設之員非定有常額者可比然翊衛
蹕途責任綦重今以其隨時

簡任者皆在前鋒護軍營官內謹附載于此篇

歷代建置

三代

〔周禮天官〕宮伯掌王宮之士庶子凡在版者授八次八舍
之職事〔鄭康成注〕衛王宮者必居四角四中於徼候便也
鄭司農云庶子衛王宮在內爲次在外爲舍元謂次其宿
衛所在舍其休沐之處

〔周禮天官〕掌舍下士四人府二人史四人徒四十人掌王
之會同之舍設楹桓再重設車宮轅門爲壇壝宮棘門爲
帷宮設旌門凡舍事則掌之

〔周禮秋官〕司隸中士二人下士十有二人府五人史十人
胥二十人徒二百人掌帥四翟之隸使之皆服其邦之服
執其邦之兵守王宮與野舍之厲禁

〔周禮地官〕師氏使其屬帥四夷之隸各以其兵服守王之

門外且蹕朝在野外則守內列

謹案周之宮伯掌王宮士庶子實近今領侍衛內大臣而所授八次八舍分置八隅以衛王宮則又兼有今護軍統領之職至掌舍于王行所止舍設樅柅再重鄭康成謂行馬再重以周衛有內外列正如今前鋒統領于御營安設卡倫之職也若師氏所掌使其屬帥四夷之隸守王之門外司隸所掌帥四翟之隸以守王宮葉時禮經會元謂為周防守禦之衛則與今護軍統領之職尤為相合矣

秦

徐堅初學記案齊職儀云衛尉秦官也掌宮門衛屯兵

禮官伯之職尉者尉也言以羅尉令主奸非

史記秦始皇本紀閭樂將吏卒至望夷宮殿門縛衛令僕射曰賊入此何不止衛令曰周廬設卒甚謹安得賊敢入宮

謹案衛尉官始置于秦即今護軍之職所自昉衛令蓋其所屬而衛令僕射為衛令之長則如今之護軍參領也

漢

漢書百官公卿表衛尉掌宮門衛屯兵

顏師古注漢舊儀云衛尉寺在宮內

胡廣云主宮闕之門內衛士于周垣下為區廬區廬者若今之仗宿屋矣

有丞景帝初更名中大夫令後元年復為衛尉屬官有衛士令丞衛士三丞又

職官表卷四十五 前鋒護軍統領

廣雅書局

諸屯衛侯司馬二十二官皆屬焉

〔漢書顏師古注〕司馬門者宮之外門也衛尉有八屯衛侯司馬主衛士徼巡宿衛每面各二司馬故謂宮之外門爲司馬門

〔王應麟玉海〕西京賦衛尉八屯警夜巡晝注引八校尉非也校尉北軍衛尉南軍宮門四面每門各有二司馬凡八司馬故曰八屯

〔太平御覽〕漢官解詁曰衛尉主宮闕之內衛士于周垣下爲廬各有員部凡居宮中者皆籍于掖門案其姓名若有醫巫僦人當入者本官長吏爲之封啟傳審其印信然後內之有籍者皆復有符符用木長二寸以所屬宮兩字爲鐵印亦太府卿炙符當出入者案籍畢復齒符識其物色乃引內之也其有官位得出入者令執御之官傳呼前後以相通從昏至晨分部行夜夜有行者輒前曰誰誰若此不懈終歲更始所以重慎宿衛也

謹案漢以南軍爲宮衛屯兵而衛尉主之雖與光祿勳同掌宿直而有郎衛兵衛之分其八屯司馬專率衛士守衛宮門譏察門籍晨昏巡警與今前鋒護軍統領之職實相昭合蓋衛尉如今之統領而屯衛司馬則如今之參領也

〔漢書百官公卿表〕長樂建章甘泉衛尉皆掌其宮職略同不常置

漢書宣帝本紀元康元年置建章衛尉元帝本紀初元三年罷甘泉建章宮衛

漢書蕭望之列傳署小苑東門候顏師古注門候主候時而啟閉也

謹案漢時天子御未央宮屯衛皆在焉而長樂建章甘泉皆置衛尉以備臨幸守衛正如今

圓明園護軍營之比其小苑東門候不見于史當亦甘泉建章衛尉所屬耳

馬端臨文獻通考秦有護軍都尉漢因之高帝以陳平為護軍中尉盡護諸將然則復以都尉為中尉武帝元狩四年以護軍都尉屬大司馬于時復為都尉矣哀帝元壽元年更名司寇平帝元始元年更名護軍

謹案此即護軍之名所由始然其所謂護軍乃調護諸將之義非護衛之護漢書漢安國為護軍將軍護四將軍以伏單于者是也今護軍之稱名雖同而實不相襲故不著于表而謹識其異同于此

後漢書百官志衛尉卿一人中二千石掌宮門衛士宮中徼循事丞一人比千石公車司馬令一人六百石丞尉各一人丞選曉諱掌知非法尉主闕門兵禁戒非常胡廣曰各陳屯夾道其有當兵以示威武交戟以遮妄出入者南宮衛士令一人六百石掌南宮衛士丞一人北宮衛士令一人六百石掌北宮衛士丞一人左右都候各一人六百石主劔戟士徼循宮及天子有所收攷丞各一人宮掖門每門司馬一人比千石南

宮南屯司馬主平城門北宮門蒼龍司馬主東門元武司馬主元武門北屯司馬主北門北宮朱爵司馬主南掖門東明司馬主東門朔平司馬主北門凡七門凡居宮中者皆有口籍于門之所屬宮名兩字爲鐵印文符案省符乃內之若外人以事當入本官長吏爲封啟傳其有官位出入令御者言其官

東觀漢記建武二十三年太尉鮑顯兼衛尉永元三年司徒丁鴻兼衛尉

後漢書朱暉列傳帝當幸長安欲嚴宿衛以暉爲衛士令文選東京賦注衛士千人在端門外五營千騎在衛士外後漢書趙謙列傳帝遷都長安以謙行車騎將軍事爲前置

謹案後漢以衛尉典掌衛兵一如西京之舊觀鮑顯丁鴻等皆以三公兼領則其職較重而元武司馬班固亦嘗爲之則宿衛之官亦不專用武臣矣至趙謙以車騎將軍爲前置則正如今嚮導大臣之職也

三國

三國蜀志陳震列傳建興以震爲衛尉

三國魏志辛毗列傳毗爲衛尉稱平

三國吳志嚴畯列傳畯嘗爲衛尉使蜀

三國吳志三嗣主列傳太元二年使衛尉馮朝城廣陵

謹案三國皆有衛尉官見于諸傳史雖失載其職掌當

亦尚沿漢舊也

冊府元龜魏武置中領軍與護軍皆領禁兵

魏志文帝本紀黃初二年以許定都督徼道虎賁

謹案此為護軍將軍領禁兵之始蓋已與漢制不同矣
至都督徼道虎賁為宮門徼巡之職亦如今之護軍統領也

晉

晉書百官志衛尉統尉士令左右都倭渡江省護軍將軍
魏初隸領軍晉世不隸元帝永昌元年省併護軍明帝太
寧二年復置各領營兵資重為護軍資輕者為中護軍屬
官有長史司馬功曹主簿五官

晉書應詹列傳王敦作逆帝以詹為都督前鋒軍事護軍
將軍

謹案晉以護軍與領軍同領禁衛別設營兵故晉書淮
南王允傳稱允領中護軍宿衛將士皆畏服之蓋與今
護軍營制頗為相仿至應詹為前鋒都督其官雖因行
軍而設然前鋒之名實防見于此且詹以前鋒兼領護
軍亦可知本以禁旅出征故竝縮二職也

宋齊梁陳

宋書百官志衛尉一人丞二人掌宮門屯兵晉江左不置
宋世祖孝建元年復置舊一丞世祖增置一丞

南齊書百官志衛尉府置丞一人掌宮城管鑰張衡西京

職官表卷四十五

前鋒護軍統領

三

廣雅書局

職官表卷四十五

步軍統領

三

廣雅書局

賦曰衛尉八屯警夜巡書宮城諸卻敵樓上本施鼓持夜者以應更唱太祖以鼓多警眠改以鐵磬云

〔隋書百官志〕梁衛尉卿置丞及功曹主簿位視侍中掌宮門屯兵卿每月丞每旬行宮徼糾察不法又有宏訓衛尉亦置屬官陳承梁皆循其制官

〔唐六典〕衛尉主簿宋齊竝有梁天監七年置主簿位三班陳因之

謹案南朝衛尉職掌史文雖不詳具然攷南史載梁鄱陽嗣王範爲衛尉夜中行城常因風便鞭箠宿衛欲令帝知其勤而梁書亦稱其每夜自巡警則職在督率警衛與今前鋒護軍統領正無殊也

〔杜佑通典〕宋護軍將軍一人掌外軍資重者爲護軍將軍資輕者爲中護軍齊梁陳竝有之

謹案宋齊梁陳皆有護軍將軍分掌外軍與領軍對職蓋亦司宮門屯衛之事又攷南史袁粲傳稱桂陽王休範爲逆已至南掖門諸將意沮粲慷慨謂之曰今日當與諸護軍同死社稷于是陳顯達等感激出戰案當時諸將陳顯達爲羽林監王敬則爲直閣將軍高道慶爲寧朔將軍而粲皆呼爲護軍南朝宿衛官得通是稱爲護軍也

〔南史〕薛安都列傳孝武踐阼除右軍將軍率所領騎爲前鋒入直殿廷其年以憚直免官

謹案薛安都以右軍將軍率前鋒騎入直雖非設有專官然亦前鋒宿衛之始也

北魏

魏書官氏志衛尉卿第一品下護軍將軍第二品上司衛監第三品上

魏書酷吏傳胡泥歷官司衛監率勒禁中不憚豪貴殿中尚書叔孫侯頭應內直而闕于一時泥以繩之

胡三省通鑑注司馬監蓋魏所置以掌宿衛

謹案魏之衛尉卿第一品而司衛監第三品則司衛當為衛尉之屬蓋衛尉如今之統領而司衛則如參領也

北齊

隋書百官志北齊衛尉寺置卿少卿丞各一人掌禁衛甲兵統城門寺置校尉二人掌宮殿城門并諸倉庫管鑰等事又領衛士署令掌諸門兵士。領軍府直盪屬官有勳武前鋒正副都督勳武前鋒五藏等員直衛屬官有前鋒正副都督等員直突屬官有勳武前鋒散都督等員。護軍府將軍一人掌輿駕出則護駕中護軍亦同有長史司馬功曹五官主簿錄事釐其府事

謹案北齊宮衛之事皆領于衛尉故護軍將軍惟主扈從出入然史文明言護駕則所謂護駕者已為護衛之義矣至前鋒諸都督雖皆領軍府屬未嘗別為一隊而以前鋒入銜實始于是時也

後周

〔胡三省通鑑注〕周置左右武伯掌內外衛之禁令兼六率之士左右小武伯各二人貳之

〔隋書長孫晟列傳〕周室尙虎賁貴遊子弟咸以相矜晟年十八爲司衛上士人未之識也

〔司馬光資治通鑑〕周門正上士崔彭〔胡三省注〕門正掌門關啟閉之節及出入門者

謹案周之左右武伯周書又稱爲司武武帝本紀載建德三年衛王直反突入肅章門司武尉遲運等拒守直乃敗走是司武掌守衛諸門正今護軍統領之職也至司衛上士與虎賁各爲一職則與今侍衛不同蓋亦護軍參領之比而門正上士則如今之司鑰長矣

隋

〔隋書百官志〕左右武衛左右武侯各大將軍一人將軍二人並有長史司馬錄事功倉兵騎等曹參軍法曹鎧曹行參軍各一人行參軍左右武侯六人左右武衛八人左右武衛領外軍宿衛左右武侯掌車駕出先驅後殿晝夜巡察執捕姦非烽候道路水草所置巡狩師田則掌其營禁左右監門衛各將軍一人掌宮殿門禁及守衛事各置郎將二人校尉直長各三十人長史司馬錄事及倉兵曹參軍鎧曹行參軍各一人行參軍四人煬帝改左右武侯爲左右候衛其軍士總號衛士每衛置護軍四人掌副貳將

軍將軍無則一人攝尋改護軍爲虎賁郎將正四品而置
虎牙郎將六人副焉從四品諸衛皆置長史從五品又有
錄事參軍等員左右監門改將軍爲郎將各置一人正四
品直閣各六人正五品又增置左右門尉員一百二十人
正六品置門候員二百四十人正七品竝分掌門禁守衛
鄭樵通志隋文帝開皇三年廢衛尉等寺入太常及尙書
省十三年復置掌軍器儀仗帳幕之事而以監門衛掌宮
門屯兵

謹案衛尉自秦漢以後皆掌宮門屯衛至隋廢而復置
始改典軍器帳幕全非舊職今據其所掌已分繫于鑾
儀衛武備院表至隋之左右武衛掌外軍宿衛蓋卽前

代護軍左右監門掌宮殿門禁蓋卽前代衛尉皆當爲
今護軍統領之職左右武侯掌先驅後殿巡狩營禁則
當爲今前鋒統領之職而所司烽候道路水草所置則
又兼有今嚮導大臣之職至每衛置護軍後改虎賁郎
將與今之護軍參領亦頗相仿其門尉候尉屬于監門
衛則又如今之護軍校也

唐

唐六典左右監門衛大將軍各一人將軍各二人掌諸門
禁衛門籍之法凡京司應以籍入宮殿門者皆本司具其
官爵姓名以移牒其宮門司送于監門勘同然後聽入凡
財物器用應入宮者所由以籍榜取左監門將軍判門司

檢以入之應出宮者所由亦以籍榜取右監門將軍判門
司檢以出之其籍月一換若大駕行幸則依鹵簿之法率
其屬於牙門之下以爲監守中郎將各四人掌諸監門及
巡警之法凡宮殿門及城門皆左入右出其監門官司檢
校者聽從便門出入長史一人掌判諸曹及諸禁門之事
錄事參軍一人掌勾檢稽失諸司籍榜押于監門者印署
而遣之兵曹參軍一人胄曹參軍一人監門校尉二百二
十人直長六百八十人長人長上二十人直長長上二十
人

〔新唐書百官志〕門下省城門郎四人掌京城皇城宮殿諸
門開闔之節奉管鑰而出納之開則先外後內闔則先內
後外啟閉有時不以時則詣閤覆奏有令史一人書令史
二人武德五年置門僕八百人番上送管鑰

謹案唐之監門衛卽今護軍統領之職而城門郎專司
管鑰則卽今司鑰長之任以百官志攷之左右領軍衛
大將軍掌分兵主守苑城諸門則今

圓明園護軍營之職又當爲領軍衛所兼攝也

〔資治通鑑〕唐元宗開元五年行幸東都過崤谷道隘不治
上欲免知頓使官胡三省注車駕行幸有知頓使

〔舊唐書元宗本紀〕韋諤爲御史中丞充置頓使
謹案唐之知頓使卽今

御營嚮導大臣之職而舊唐書又作置頓使蓋本非常職故隨

時置名無一定之例也

〔通典〕唐採前代舊名置上護軍護軍

謹案唐之上護軍護軍皆勳官虛號竝無職守其後又置神策軍護軍中尉以寵宦官益乖典制今竝不著于表

五季

〔謝維新合璧事類〕五代梁乾化六年詔曰端闈正門也宜以時開敝用達陽氣委皇城使

謹案據此則五季宮門啟閉之節實皇城使掌之當卽今護軍統領之職然攷合璧事類又稱宋之皇城使其初本號武德司而五代史所載後唐有武德使史彥瓊為內諸司之一是當時實有此官豈梁之皇城使後唐又改為武德使歟

〔資治通鑑〕後唐明宗天成二年帝如汴州朱守殷反遣御營使石敬瑭將兵討之

謹案後唐始置御營使掌行營守衛之事正近今之前鋒統領也

宋

〔宋史職官志〕皇城司幹當官七人以武功大夫以上及內侍都知押班充掌宮城出入之禁令凡周廬宿衛之事宮門啟閉之節皆隸焉每門給銅符二鐵牌一左符雷門右符請鑰鐵牌則請鑰者自隨以時參驗而啟閉之總親從

職官表卷四十五 前鋒護軍統領

職官表卷四十五 步軍統領

廣雅書局

親事官名籍辨其宿衛之地以均其番直人物爲冒不應
法則譏察以聞凡臣僚朝覲上下馬有定所自宰臣親王
以下所帶人從有定數揭榜以止其喧闐元符元年詔應
宮城出入請納官物呈稟公事傳送文書并御廚翰林儀
鸞司非次祇應聽于便門出入卽不由所定門者論如關
入律政和五年詔皇城司可扞置親從第五指揮以七百
人爲額使爲將軍副使爲中郎將使臣以下爲左右郎將
通以十員爲額六年詔嘉王楷差提舉皇城司整肅隨駕
禁衛中興初爲行營禁衛所差主管官掌出入皇城宮殿
門等敕號察其假冒車駕行幸則糾察導從紹興元年改
稱行在皇城司提舉官一員提點官二員幹當官五員以

諸司副使內侍都知押班充掌皇城宮殿門稽驗出入凡
諸門必謹所守潔蠲齊肅郊祀大禮則差撥隨從守衛有
宴設則守門約關嘉定間臣僚言皇城一司總率親從嚴
護周廬參錯禁旅權亞殿巖乞專以知閣御帶竝領從之
合璧事類紹興三年詔皇城司係專掌禁廷出入依祖宗
法不隸臺察

謹案宋代雖有監門將軍之名然係虛銜並無職掌其
門禁守衛之事專屬之皇城一司至以諸王領之蓋卽
今之護軍統領也

李心傳建炎以來朝野雜記御營使者建炎元年始命宰
相李伯紀爲之御營使一員副使一員其將佐有都統制

一員及五軍統制以下官四年罷紹興三十一年上臨江視師以和義郡王楊存中爲御營宿衛使明年孝宗卽位又以御營使命之

方以智通鑿建炎元年置都統制以王淵爲之其下分爲五軍紹興稱神武五軍俄又改爲行營五護軍

謹案宋之御營使以宿衛入銜則行幸所至巡警防護乃其專職正今前鋒統領之比而五軍統制嘗以五護軍命名蓋亦以其職隸御營而有是稱也

李壽績資治通鑑長編真宗大中祥符元年詔以十月有事於泰山命引進使曹利用宣政使李神福相度行營道路以參知政事趙安仁爲橋道頓遞使

謹案宋真宗以曹利用等相度行營道路卽今嚮導大臣所有事而橋道頓遞使爲大禮五使之一宋時凡遇郊禋必命執政充之以重其事蓋亦如唐之知頓使也

遼

遼史百官志北面御帳官○北護衛府掌北院護衛之事北護衛太師北護衛太保北護衛司徒總領左右護衛司總領左右護衛左護衛司左護衛太保左護衛右護衛司右護衛太保右護衛○南護衛府掌南院護衛之事南護衛太師南護衛太保南護衛司徒總領左右護衛司總領左右護衛左護衛司左護衛太保左護衛右護衛司右護衛太保右護衛○北面軍官○護軍司護軍司徒○北面

行軍官○先鋒使司先鋒都統所御營都統所

謹案遼御帳諸官以出於貴戚者為侍衛出于北南部族者為護衛均典司宿直則護衛即今護軍之比若北面軍官之護軍司當亦領宿衛之兵者而其制不詳至先鋒使先鋒都統雖因行軍而設而職在御營實即如今之前鋒統領也

金

〔金史百官志〕左右宿直將軍從五品掌總領親軍凡宮城諸門衛禁并行從宿衛之事八員大定二十九年作十員復作十一員

〔金史兵志〕設護衛二百人取五品至七品子孫及宗室并親軍諸局分承應人身長五尺六寸者選試補之

謹案金宿衛之士總號親軍而統于殿前都點檢司惟宿直將軍專司宮門禁衛實兼有今護軍統領之職今故互著于此至兵志所載又有護衛之名在親軍以外當即如今之護軍也

元

〔元史百官志〕右阿蘇蒙古語住守之意原作阿速今改正衛親軍都指揮使秩正三品掌宿衛城禁達嚕噶齊解見戶部篇一員都指揮使三員副都指揮使二員僉事二員經歷二員知事二員承發架閣照磨一員令史七人譯史通事知印各一人鎮撫二員其屬把門千戶二員百戶五員門尉一員○左阿蘇

衛親軍都指揮使司品秩職掌同右阿蘇衛達嚕噶齊一

員都指揮使三員副都指揮使二員僉使一員經歷二員

知事二員照磨一員鎮撫二員其屬圍宿把門千戶所一

十三翼千戶二十六員百戶一百三十員彈壓一十三員

右屬樞密院 ○哈喇婁 蒙古語哈喇黑色也婁龍也原作哈刺魯今改正 萬戶府掌守

禁門等處應直宿衛達嚕噶齊一員萬戶一員經歷知事

各一員提控案牘一員鎮撫一員吏目一員千戶所三翼

千戶三員百戶九員彈壓三員 右屬大都督府

〔元史兵志〕至元十四年以蒙古軍與漢軍相參備都城內

外及萬壽山宿衛仍以伊蘇布哈 蒙古語伊蘇九數也布哈忙牛也原作也速不

花今領圍宿事皇慶元年樞密院臣言皇太后有旨禁掖

門可嚴守衛臣等議增置百戶一員及于欽察 同語額欽察各自之意 桂齊 蒙古語善走人也原作貴赤今改正 西域唐占 原作唐兀今從八旗氏族通譜改正 阿

蘇等衛調軍士九十人增守諸掖門復命千戶一員帥領

百戶一員備巡邏從之

謹案元以左右阿蘇衛及哈喇婁萬戶府宿衛禁門皆

如今護軍之職然攷之兵志則圍宿諸軍皆從各衛調

撥故百官志所載唐古衛有門尉二員西域親軍都指

揮使司有把門千戶二員百戶八員門尉一員皆有守

衛之司或以其職事兼屬于左右阿蘇衛也

明

〔明史職官志〕金吾羽林等十九衛掌守衛巡警統所凡一

職官表卷四十一 前鋒護軍統領 廣雅書局采

百有二

〔明史兵志〕初太祖改都鎮撫司爲畱守設左右前後中五衛關領內府銅符日遣二人點閱夜亦如之所謂皇城守衛官軍也二十七年申定皇城禁約凡朝參門始啟直日都督將軍入後百官始以次入上直軍三日一更番內臣出入必合符嚴索以金幣出者驗視勘合以兵器雜藥入門者禽治失察者罪之民有事陳奏不許固遏二十八年復於四門置舍使恩軍爲衛士執爨永樂中定諸衛各有分地自午門達承天門左右逮長安左右門至皇城東西屬旗手濟陽濟川府軍前及虎賁右金吾前燕山前羽林前八衛東華門左右至東安門左右屬金吾羽林府軍燕

山四左衛西華門左右至西安門左右屬四右衛元武門左右至北安門左右屬金吾府軍後及通州大興四衛衛有銅符頌自太祖曰承曰東曰西曰北各以其門名也巡者左半守者右半守官遇巡官至合契而從事各門守衛官夜各領銅令申字牌巡警自一至十六內皇城衛舍四十外皇城衛舍七十二俱設銅鐸次第循環內皇城左右坐更將軍百每更二十人四門支更官八交互往來鈐印于籍以爲驗都督及帶刀千百戶各一人領申字牌直宿及點各門軍士後更定都督府改命侯伯僉書焉正德初嚴皇城紅鋪巡徼日令畱守衛指揮五員督內外巡軍而兵部郎中主事各一人同御史錦衣衛稽閱毋攝他務萬

職官表卷四十五
厯十一年於皇城內外設把總二員分東西管理

謹案自周之宮伯掌八次八舍以宿衛王宮漢代以衛尉領南軍主宮門衛士及宮城徼巡之事於是兵衛之設實與郎衛而並重後世官稱雖互有同異而職任無殊然史稱漢之南軍無常在之兵以郡國民始傳者為

之

如清日民年二十三之傳疇官傳著也立傳名籍以給公家之繇役也

故每歲衛士轉

置送迎常二萬人科調踐更俱不免於勞費唐之監門衛卽十六衛之一其府兵亦以番上執役久之而亡匿耗散宿衛不給遂改為長募之軍而所募多出市人富者販緇綵食梁肉壯者為角觝拔河翹木扛鐵之戲及有事皆不能受甲中葉以後浸為弊藪明代以二十二

衛卒守衛皇城其初未嘗不具存規制乃以狃于晏安不加訓練以致軍多隱占尺籍常虛其甚者諸門管鑰皆付諸寺人之手禁兵將吏至曠數日不至直廬而禁衛之事益不可問矣我

朝建旗分職碁布星羅以前鋒統領所轄之前鋒護軍統領所轄之護軍專掌宿衛清蹕宮禁傳籌內禁門啟閉人

御營守衛之事蓋卽歷代兵衛之職而制度詳明規條嚴密復以時訓習操肄黜陟懲勸無不奮興感勵簡練精純其

圓明園護軍營則所司屯衛

巡捕五營千總把總

金吾副
隊正

左右廂
總捕使
臣

步軍統領

國朝官制

提督九門巡捕五營步軍統領滿洲一人

正二品近制以親信大臣兼任之

掌京城內外門禁鎖鑰統帥八旗步軍五營將備以徼巡

京師詰禁奸宄平易道塗肅清

輦轂初制九門步軍巡捕三營皆領於兵部職方司以漢人

主事一員專司政令康熙十三年始改設提督九門步軍

統領一員

特簡八旗大臣綜理其事三十年以巡捕三營併隸於步軍統領

乾隆四十六年步軍統領和珅會議奏定以所轄三營地

方遼闊增為巡捕五營舊設有協理步軍統領衙門刑名

事務部臣一人乾隆四十三年省如步軍統領有以都統副都統任者仍用部臣一人協理

左右翼步軍翼尉每翼各一人正三品八旗步軍協尉每旗各三人正四品步軍副尉每旗各三人正五品捕盜步軍校每旗滿洲三人蒙古漢軍各一人步軍校每旗滿洲二十有一人蒙古漢軍各八人正五品委署步軍校每旗滿洲五人蒙古漢軍各二人

翼尉協尉副尉掌董率守衛巡警掃除捕盜步軍校掌緝捕盜賊稽察奸宄步軍校掌分汛警夜清道詰姦翼尉本名總尉康熙十三年置協尉本名副尉順治五年置副尉本名參尉雍正四年置乾隆十九年俱改今名步軍校亦順治中置捕盜步軍校委署步軍校俱康熙三十四年置

所屬凡領催二千二十八人步軍一萬八千七百二十六人捕盜步軍三百二十八人乾隆四十六年增步軍二千二十六人

步軍統領衙門員外郎滿洲二人主事滿洲二人司務滿洲一人筆帖式滿洲十有二人

員外郎主事掌句檢旗營簿書司務掌稽察簿籍兼理俸餉筆帖式掌文移繙譯員外郎初置一人康熙六十一年增一人司務雍正十三年增置筆帖式初置四人康熙三十年增四人雍正十三年又增四人

城門領滿洲十八人漢軍七人從四品城門吏滿洲十八人漢軍七人正七品門千總漢軍三十二人正六品

掌內城九門外城七門晨昏啟閉之節以嚴出入稽詐偽城門領初名城門尉城門吏初名城門校乾隆十九年俱改今名其員額內城每門各二人外城每門各一人門千總初為指揮千戶順治四年改置內外城每門各二人所屬凡門甲三百二十人門軍六百四十人又礮手每門各二人

信礮總管滿洲一人正四品司信礮官漢軍旗各一人正五品

掌守白塔信礮初順治十年以兵部尙書噶洪達奏始定置信礮五千白塔山及內九門各置信礮五設信礮官漢軍左右翼各二人以司其事雍正二年改定員額如今制乾隆八年定歸于步軍統領管轄又

紫禁城內西箭子河舊置步軍校二人步軍四十人以備緊急差傳乾隆四十八年增置協尉一員步軍六十名移駐造辦處外圍地方焉

巡捕中營副將一人從二品遊擊一人從三品都司一人正四品

守備四人正五品千總十人正六品把總二十人正七品巡捕

南營參將一人正三品遊擊一人從三品都司一人正四品守備五人正五品千總十

二人把總二十四人巡捕北營參將一人遊擊一人從三品都司一人正四品守備三人正五品千總八人把總十六人巡捕左營參將一人遊擊一人從三品都司一人正四品守備三人正五品千總八人把總十六人巡捕右營參將一人遊擊一人從三品都司一人正四品守備三人正五品千總八人把總十六人

掌分汛防守譏察巡邏緝捕姦匪初制巡捕分南中北三

營轄十九汛置官七十員馬步兵五千一百名乾隆四十

六年增為中南北左右五營分設二十三汛所置各汛名

目中營汛五曰靜宜園汛樹村汛暢春園汛樂善園汛南營汛六

曰日德勝汛安東

河沿汛東珠市口汛花兒市汛西

北營汛四

曰定汛東直汛

朝陽

左營汛四

曰日阜城汛西

廣渠汛左安汛

右營汛四

便汛廣寧汛

永定

共置官一百七十一員增兵四千九百名合為一萬

分馬戰守糧額仍撥兵二千依健銳營制以時操演訓練

武備各置有外委千總把總以司協防差操之事並募民

充番捕人役以伺察旗民牙錯星羅法制益加詳密焉

歷代建置

三代

周禮地官司門下大夫二人上士四人中士八人下士十

有六人府二人史四人胥四人徒四十人每門下士二人

府一人史二人徒四人掌授管鍵以啟閉國門幾出入不

物者鄭康成注司門若今城門校尉主王城十二門賈公

彥疏司門總監十二門每門下士二人據在門啟閉

者

謹案周司門之職每門下士二人而主之以下大夫者

蓋以王城管鑰之任非位尊權重則不能當防閑禁遏

之責故特重其官秩卽如今提督九門皆以大臣兼領

也

周禮秋官司隸中士二人下士十有二人府五人史十八

胥二十人徒二百人掌五隸之灋帥其民而搏盜賊凡囚

職官長卷四十一、步軍統領

廣雅書局

職官考卷四十一
執人之事

鄭康成注隸給榮辱之役者漢始置司隸亦使將徒治道溝渠之役後稍尊之使主官府及近

郡禁殺戮下士二人史一人徒十有二人掌司斬殺戮者

凡傷人見血而不以告者攘獄者過訟者以告而誅之

鄭康成注司猶察也察此四者告于司寇罪之也禁暴氏下士六人史三人胥六人

徒六十人掌禁庶民之亂暴力正者矯誣犯禁者作言語

而不信者以告而誅之凡國聚眾庶則戮其犯禁者以徇

野廬氏下士六人胥十有二人徒百有二十人掌比國郊

及野之道路宿息井樹若有賓客則令守涂地之人聚櫟

之有相翔者誅之凡道路之舟車輦互者敘而行之禁野

之橫行徑踰者凡國之大事比修除道路者掌凡道禁司

寤氏下士二人徒八人掌夜時以星分夜以詔夜士夜禁

禦晨行者禁宵行者夜游者

鄭康成注寤覺也主夜覺者夜時謂夜晚早若今甲乙至

侯者如今都侯之屬修閭氏下士二人史一人徒十有二

人掌比國中宿互櫟者與其國粥而比其追胥者而賞罰

之禁徑踰者與以兵革趨行者與馳騁于國中者邦有故

則令守其閭互唯執節者不幾

謹案周官司隸爲漢司隸校尉所自出卽今步軍統領

之權輿而秋官所屬自禁殺戮至修閭氏五官皆主幾

防盜賊姦宄實亦今步軍統領衙門所有事蓋禁殺戮

禁暴氏主禁庶民之斬殺亂暴者以告而誅之正如今

步軍統領衙門緝獲違禁犯灋之民笞杖者審斷發落

徒罪以上送刑部審擬也野廬氏主修除道路正如今

乘輿經由內外城統領率所部官兵先時除道設幃衢巷以
蹕行人也司寤氏主夜禁修閭氏比國中宿互櫟者惟
執節者不幾正如今京城內傳更閉柵王公官民皆禁
行走惟奉

旨差遣及各部院傳事均詢明聽出也謹竝繫於表以著於
灋禁所昭實有與成周之制相為表裏者爾

春秋左氏傳變盈過於周辭於行人曰將歸死於尉氏杜預注尉氏討姦之官孔穎達疏尉氏主刑人故為討姦之
官

謹案周禮無尉氏之官疑東遷後始置漢書地理志陳
留郡有尉氏縣應劭曰古獄官曰尉氏鄭之別獄也是

列國後亦仿置此官秦漢中尉之名其源蓋本於此當
亦如今之步軍統領矣

秦

唐六典中尉秦官掌徼巡京師

常璩華陽國志中尉田真黃尉秦中尉

漢

杜佑通典北軍中尉主之掌京城門內之兵

漢書百官公卿表中尉掌徼循京師如淳注所謂游徼徼

古注徼謂有兩丞候司馬千人顏師古注候及司馬武帝

太初元年更名執金吾屬官有中壘寺互武庫都船四令

丞中壘兩尉及左右京輔都尉尉丞兵卒皆屬焉

王應麟玉海應劭曰吾禦也掌執金革禦非常師古曰金吾鳥名主辟不祥天子出行職主先導以禦非常故執此鳥之象因以名官崔豹古今注金吾棒也以銅爲之黃金塗兩末

馬編中華古今注棒者崔正熊注車輻也漢朝執金吾亦棒也以銅爲之黃金塗兩足以謂之金吾御史大夫司隸校尉亦得執焉

錢文子補漢兵志三輔之兵中尉主之有大事發兵屯衛事已輒罷其征伐四夷不輕用也

漢書百官公卿表中尉丞楊僕

三國魏志王朗列傳西京執金吾從騎六百走卒倍焉

漢書百官公卿表中壘校尉掌北軍壘門內

漢書季布列傳季心爲中司馬中尉郅都都不敢加如淳注中尉之司馬

謹案袁宏漢紀季布弟心立然諾作氣關中方千里士爭爲之死心爲中尉司馬郅都爲中尉未敢加也如淳漢書季布傳注以中司馬爲中尉之司馬與漢紀合

漢書平帝本紀元始二年九月遣執金吾侯陳茂假以鉦鼓募勇敢吏士

史記灌夫列傳夫以千人與父俱裴駘集解官主千人如侯司馬

馬端臨文獻通考北軍徼巡京師屬中尉別有壘垣軍門

在京城案胡建傳云監軍御史穿北軍壘垣為賈區軍正丞胡建斬之而中壘校尉實掌北軍壘門內則是北軍自有壘垣軍門

漢書張蒼列傳蒼任人為中候

王應麟曰北軍中候也

漢書如淳注漢儀注有寺互都船獄令

漢書顏師古注北軍尉一人主上書者獄

謹案漢以執金吾掌北軍其職在徼巡京師而尹賞列傳稱賞遷執金吾督大姦猾則又主于緝匪禁邪實與今步軍統領之職最為相合至北軍別有都尉校尉中候當如今之巡捕五營將備其丞候司馬千人則如今之協尉副尉等官而寺互都船令北軍尉等主治刑獄

則如今之員外郎等官也

漢書百官公卿表司隸校尉武帝征和四年初置持節從中都官徒千二百人捕巫蠱督大姦猾後罷其兵察三輔三河宏農元帝初元四年去節成帝元延四年省綏和二

年哀帝復置但為司隸冠進賢冠屬大司空比司直
漢紀元帝紀諸葛豐為司隸劾舉無迴避侍中許章不奉灋度豐特劾章顯奏其事適逢章私出豐駐車舉節詔章下獄收章窘迫馳車去豐追之章因入宮自歸于上豐亦上奏因收奪豐節司隸去節自豐始也哀帝紀諫議大夫鮑宣拜司隸校尉丞相光行園陵行馳道中宣出逢之使吏拘止丞相吏沒入其車馬

玉海漢儀曰司隸校尉職在典京師外部諸郡無所不糾詣臺廷議處九卿上朝賀處公卿下陪卿上

謹案漢之司隸校尉察三輔三河宏農乃兼有諸州部刺史之任故地理志以京兆等郡爲司隸所部亦頗近於守土之官然其職得督察公卿委寄甚重故漢書蓋寬饒傳寬饒爲司隸校尉宣帝予書曰命君以司察之位鄭昌上書頌寬饒亦云職在司察諸葛豐傳又稱司隸刺舉不濫善善惡惡則所司全在詰禁姦非正如今之步軍統領也

漢書百官公卿表城門校尉掌京師城門屯兵有司馬十二城門侯

謹案三輔黃圖都城十二門長安城東出南頭第一門曰霸城門東出第二門曰清明門東出北頭第一門曰宣平門南出東頭第一門曰覆盎門南出第二門曰安門南出第三門曰西安門西出南頭第一門曰章城門西出第二門曰直城門西出北頭第一門曰雍門北出東頭第一門曰洛城門北出第二門曰廚城門北出西頭第一門曰橫門城門皆有侯門侯主侯時啟閉此條可與百官公卿表互證

玉海環濟要略城門校尉高帝置從緹騎百二十人武帝始增屯兵

漢書蔡義列傳遷補覆盎城門侯顏師古注侯主侯時而

開閉也

漢書功臣表芒侯彤距以門尉起碣

謹案漢代城門校尉其任至鉅如王譚王商王立等皆以特進相代領城門兵至募府得舉吏如將軍而孔光爲太師亦兼領城門兵谷永與王譚書所謂至戚賢舅執管籥於外蓋因門禁之重故必擇大臣以兼領其事今步軍統領之提督九門正其任也

後漢書百官志執金吾一人中二千石掌宮外戒司非常水火之事月三繞行宮外及主兵器丞一人比千石緹騎二百人無秩比吏食奉中興省中壘寺互都船令丞尉及左右京輔都尉北軍中候一人六百石

謹案後漢執金吾將兵之事屢見於史袁宏後漢紀所載如光武建武二年執金吾賈復將兵擊郾和帝永元九年執金吾劉尚將兵擊隴西羌順帝永建六年執金吾張喬屯兵三輔蓋執金吾本北軍中尉掌京城門內之兵故常主征伐之事也又和帝永元四年上幸北宮詔公卿百官使執金吾衛南北宮詔收寶憲大將軍印綬則後漢志所云掌宮外戒司非常之事是也

章懷太子李賢後漢書注胡廣曰衛尉巡行宮中執金吾徼於外相爲表裏以擒姦討猾漢官曰執金吾緹騎五百二十人輿服導從光滿道路羣僚之中斯最壯矣世祖歎曰仕宦當作執金吾

東觀漢記馮魴為執金吾將緹騎宿元武門複道上領南宮吏士

洪适隸釋執金吾丞武榮碑舉孝廉缺二字郎中遷執金吾

丞山陽太守祝睦碑辟司空府北軍中候北軍中候郭仲奇碑復辟司徒拜軍中候釋云碑書其官無北字郭究碑但稱為軍中若與額殊案祝睦嘗為北軍中候而其後碑書云北軍軍中候則知此亦省文耳

後漢書百官志司隸校尉一人比二千石持節掌察舉百官以下及京師近郡犯濫者成帝省建武中復置并領一州都官從事主察舉百官犯濫者功曹從事主州選署及眾事別駕從事校尉行部則奉引錄眾事簿曹從事主財

穀簿書主簿主錄閣下事省文書律令師主平濫律簿曹書佐主簿書

袁宏後漢紀獻帝紀初平八年大中大夫孔融上書潁川南陽陳畱上黨三河近郡不封爵諸侯臣愚以為千里國可略從周官六鄉六遂之文分取北郡皆合屬司隸校尉帝從之

謹案後漢紀光武紀更始以世祖為司隸校尉獻帝紀諸葛亮等上言稱左將軍領司隸校尉宣城亭侯備世祖先主皆漢中興之君其始均曾為司隸校尉可知此官之重又攷獻帝紀董卓問司徒王允曰欲得任司隸校尉誰可者允曰惟有蓋京兆百卓曰此人明智有餘

然不可假以雄職也遂以勳爲越騎校尉卓以司隸校尉爲雄職誠如百官志所云掌察舉百官以下及京師近郡犯濫者是也桓帝紀黃門令瑗將虎賁士千人與司隸共捕梁冀宗親洛陽獄河內張成知當大赦使女殺人李膺爲司隸收成殺之此卽所謂察舉京城犯濫者也獻帝紀司隸校尉鍾繇持節鎮撫關中是其察舉近郡之事也又攷後漢司隸校尉與河南尹竝重凡舉大事必先慎擇此二官靈帝紀蕃武得劉瑜書于是以朱富爲司隸校尉劉祐爲河南尹蓋何武將奏收曹節王甫等故先擢此二人以備京城內外之變故也其後尙方監渠穆旣斬何進珪讓僞詔以故太尉樊陵爲司

隸校尉故司空許相爲河南尹亦重此二雄職也

後漢書世祖本紀司隸從事孟異成

後漢書百官志城門校尉一人比二千石掌雒陽城門十二所司馬一人千石主城門兵每門候一人六百石雒陽十二門其正南一門曰平城門北宮門屬衛尉其餘上西門雍門廣陽門津門小苑門開陽門耗門中東門上東門穀門夏門凡十二門

李尤正陽城門銘平門督司午位處分外臨僚侍內達帝宮正陽南面炎暑赫融

謹案李尤集載十二城門銘曰正陽城門銘所謂午位處分者也曰中東門銘所謂月值當卯者也曰上西門

職官表卷四十六
三
銘所謂位月惟戌者也曰上東門銘所謂厥位在寅者
也曰關陽城門銘所謂位月惟巳者也曰津城門銘所
謂位月在未者也曰旄城門一作旄銘所謂位月在辰者
也曰廣陽門銘所謂厥月在申者也曰雍城門銘所謂
位月在酉者也曰夏城門銘所謂位月在亥者也曰穀
城門銘所謂位當于丑者也惟無小苑門銘或襄集者
佚之據後漢百官志此十二門皆有門候尤正陽門銘
云平門督司卽謂門候主督司也十二門皆有督司獨
于正陽門言之者午位正門于十二門爲特重故也三
輔黃圖長安城南出第三門曰西安門一曰便門卽平
門也古者平便皆同字取其道易直洛陽正陽門之名

平門或亦取其易直乎

後漢書鄧曄列傳曄爲上東城門候張奮列傳奮子甫官
至津城門候章懷太子注謝承書曰何湯爲郎中守開陽
門候

隸釋孫叔敖碑陰伯尉有一子字世伯舉江夏孝廉城門
候太尉陳球碑換東城門候釋云漢志洛陽城有中東門
後碑亦作中東城門此碑云換東城門候殆省文也司空
宗俱碑俱以察孝爲城門候方以智通雅周禮司門干寶
注每門下士二人如今候公車誰長之類

謹案東漢執金吾掌擒姦討猾及戒司非常水火之事
與今步軍統領職掌正同若司隸校尉則專主糾察百

職官考卷四十六
官而後漢書鮑昱傳載昱為司隸校尉坐救火遲免官則其所掌亦有與執金吾無異者至城門校尉職司啟閉其任竝重故曹褒馬防竇武朱雋趙典皆嘗為之今之步軍統領則以執金吾司隸校尉城門校尉而併為一職者也

三國

唐六典漢執金吾徼巡宮外魏武執政復為中尉

通典魏司隸與二漢同漢置城門校尉魏因之

王楙野客叢書魏晉以來御史中丞專督行馬內司隸專督行馬外

崔豹古今注兩漢京兆河南尹及執金吾司隸校尉皆使

人導引傳呼使行者止坐者起四人各持角弓違者則射之有乘高窺闕者亦射之魏晉設角弩而不用也

謹案裴松之三國志注載魏校事劉肇出過成泉縣縣令沐竝欲收之肇以狀聞有詔肇為牧司爪牙吏云云校事乃司隸之屬而詔旨稱為爪牙吏則以其職司糾察故特假以事權蓋即如漢之都官從事也

三國吳志吳主權列傳嘉禾三年執金吾許晏

晉

文獻通考中尉晉初罷

太平御覽晉中興書陶回擢拜北軍中候

隸續晉右軍將軍鄭烈碑遷北軍中候典司禁戎

晉書職官志司隸校尉漢武置歷魏晉其官不替屬官有功曹都官從事諸曹從事部郡從事主簿錄事門下書佐省事記室書佐諸曹書佐守從事武猛從事等員凡吏一百人卒三十二人及渡江乃罷

謹案魏晉司隸校尉皆兼察列郡如部刺史之職然攷太平御覽引臧榮緒晉書稱傅咸以議郎長兼司隸校尉時豪右放恣郡縣容縱盜寇於是奏免河南尹京都肅然貴戚憚之則其官亦主糾舉非違督緝姦盜實如今之步軍統領也

傅咸明司隸職掌書案令御史中丞督司百僚皇太子以下其在行馬內有違瀆憲者彈糾之雖在行馬外而監司不糾亦得奏之如今之文行馬之內有違瀆憲謂禁防之事耳宮內禁防外司不得而行故專司中丞今道路橋梁不修鬪訟屠沽不絕如此之比中丞推責州坐卽今所謂行馬內語施于禁防既云中丞督司百僚矣何復說行馬之內乎既云百僚而不得復說行馬之內者內外眾官謂之百僚則通內外矣司隸所以不復說行馬內外者禁防之事已於中丞說之故也中丞司隸俱糾皇太子以下則其對司內外矣不爲中丞專司內百僚司隸專司外百僚自有中丞司隸以來更互奏內外眾官惟所得糾無內外之限也而結一旦橫挫臣前所以不羅縷者冀因結奏得從私願也今既所願不從而敕云但爲過耳非所不及也

職官表卷四十一
以此見原臣忝司直之任宜當正己率人若有其過不敢受原是以申陳其愚司隸與中丞俱共糾皇太子以下則從皇太子以下無所不糾也得糾皇太子而不得糾尚書臣之闇塞既所未譬皇太子爲在行馬之內也皇太子在行馬之內而得糾之尚書在行馬之內而不以糾無有此理此理灼然而結以此挫臣臣可無恨耳其於觀聽無乃有怪也臣識石公前在殿上脫衣爲司隸荀愷所奏先帝不以爲非于時莫謂侵官今臣裁糾尚書而當有罪乎謹案後漢紀光武紀是時有上書言宜合司隸校尉督察三公司徒掾陳元上疏謂不宜有司察公輔之明上善其言據傳咸此書則漢晉之制頗異

春秋左氏傳楚人以為大闔謂之大伯杜預注若今城門校尉官

通典漢魏置城門校尉晉制銀章青綬絳朝服武冠佩水蒼玉

謹案通典謂晉亦有城門校尉攷杜氏左傳注謂若今城門校尉則晉有此職尤屬確鑿而晉書職官志獨闕而不載殆南渡以後又經省併之故歟

宋齊梁陳

文獻通考宋齊俱以衛尉掌宮城屯兵及管鑰之事梁齊二代無城門之職

隋書百官志梁又有宣陽等諸門候爲三品蘊位

謹案江左諸朝皆不置執金吾及城門校尉其宮門及城門管鑰皆以衛尉一官掌之則兼有今護軍步軍兩統領之職也而東晉以後揚州刺史卽漢魏司隸校尉之任故當時多以親藩任之然其體制已全同諸州方收固無復督討豪猾之事矣

北魏

鄭樵通志職官略後魏置城門校尉

魏書職官志城門校尉第四品

魏書酷吏列傳時京師盜魁聚爲劫害以赦提爲逐賊軍將又爲游徼軍將前後擒獲略盡

魏書甄琛列傳琛以羽林爲游軍於諸坊司察盜賊於是

京邑清靜至今踵焉

謹案北魏京城巡徼之灋卽此二條可以攷見大槩蓋逐賊軍將游徼軍將如今之巡捕五營而羽林游軍則如今之步軍營也

北齊

司馬光資治通鑑齊以東平王儼爲京畿大都督凡京畿步騎莫不畢從儼被殺罷京畿府入領軍

胡三省注京畿大都督總京畿兵因儼以京畿兵弄兵故罷之

北齊書顯祖本紀授京畿大都督世祖本紀遷太傅領京畿大都督

北齊書慕容儼列傳授儼京畿南面都督

北齊書莫多婁貸文列傳中興初除伏波將軍領虞侯大都督位至領軍將軍恆檢校虞侯事督兵馬糾察盜賊

謹案北齊以京畿大都督領京城諸兵當時多由懿親授任正如今步軍統領之職又有京畿南面都督分地管轄當如今翼尉之職而虞侯大都督掌率兵糾察盜賊則當如今巡捕五營之職又攷北齊書崔昂傳稱議曹律令京畿密獄多委之元韶傳稱幽於京畿地牢是京畿府又主刑獄其於今步軍統領衙門職掌尤為相合也

隋書百官志北齊城門寺置校尉二人掌宮殿城門管籥

謹案北齊城門寺兼掌宮殿城門管籥則亦合今護軍步軍兩統領之職而為一也

後周

通典後周官品正四命地官司門下大夫正三命地官小司門上士夏官武環率武侯率上士正二命地官宮門城門中士正一命地官宮門城門下士

文獻通攷後周司門上士下士掌皇城十二門之禁令

唐六典後周置武環率武侯率下大夫各二人

後周書齊王憲列傳我虞侯大都督也

謹案周有門正上士掌門關啟閉為禁衛之職已別著於護軍統領表內至司門大夫以下各官則即漢城門

職官表卷四十六 步軍統領 廣雅書局 印

校尉之任實如今之提督九門也其武環率武侯率爲
執金吾遺職故亦並著於表焉

隋

隋書百官志隋城門局校尉二人直長四人左右武侯大
將軍一人將軍二人掌晝夜巡察執捕姦非煬帝改左右
候衛所領名飲飛

通典隋門下省統城門局校尉二人大業三年又隸殿中
省十二年又減一人後又改校尉爲城門郎置四人又隸
門下省

謹案隋城門局兼掌宮門京城門管鑰而左右武侯亦
主烽候道路水草所置各有司存今故互見於前鋒護

軍統領表以著其實云

唐

唐六典左右金吾衛大將軍各一人正三品將軍各二人
從三品掌宮中及京城晝夜巡警之灋以執禦非違

舊唐書職官志左右金吾衛大將軍各一員將軍各二員
掌京城晝夜巡警之灋凡翊府及同軌等五十府皆屬之
其屬長史錄事參軍倉兵騎胄四曹參軍司階中候司戎
執戟翊府中郎將左右郎將兵曹校尉旅帥隊正副隊正
新唐書百官志左右金吾衛上將軍各一人大將軍各一
人將軍各二人掌京城巡警凡大功役則與御史循行兵
曹參軍事掌翊府外府武官騎曹參軍事掌外府雜畜簿

帳曹參軍事掌兵械公廨長史各一人錄事參軍事各一人倉曹參軍事各二人兵曹參軍事各二人騎曹參軍事各二人冑曹參軍事各一人左右司階各二人左右中候各三人左右司戈各五人左右執戟各五人左右衛使各一人判官各二人左右翊中郎將府中郎將掌領府屬督京城左右六街舖巡警以果毅二人助巡探

劉肅大唐新語金吾衛佐李元成

趙璘因話錄柳元公初拜京兆尹將赴府上有神策軍小將乘馬不避公於街中杖殺之憲宗詰公專殺狀曰卿何不奏公曰臣只合決不合奏上曰台是何人奏公曰在街中本街使金吾將軍奏若在坊內則左右巡使奏上乃止

謹案街坊之別雍錄謂其最當城中而南者為朱雀門

街朱雀東十坊縱而數之皆有直街北自宮城之安上門而

南極乎京城南面之陰是為朱雀街東之第一街朱雀

西十坊之西亦有直街自北徹南是為朱雀街西第二

街自餘十坊可隨朱雀東西而命其方又曰坊皆南北相

沓每坊之南皆有橫街橫街之北是為諸坊之南諸坊

之南皆有門自東西以出橫街坊之若東若西即坊之

左畔右畔也據此則坊在一方之內其東西南北皆有

街限之蓋坊統於街也金吾將軍統察諸街巡使分察

諸坊亦以秩之尊卑為職之大小也

胡三省通鑑注金吾左右街使各一人掌分察六街徼巡

凡城內坊角有武侯舖衛士曠騎分守大城門百人大舖
三十人小城門二十人小舖五人日暮鼓八百聲而門閉
乙夜街使以騎卒巡行叫呼武官暗探五更二點鼓自內
發諸街鼓承振坊市門皆啟鼓三千搥辨色而止

〔大唐新語〕舊制京城內金吾曉暝傳呼以戒行者馬周獻
封章始置街鼓俗號鼕鼕鼓公私便焉

〔宋敏求春明退朝錄〕唐馬周始建議置鼕鼕鼓惟兩京有
之是京都之制也二紀以來不聞街鼓之聲金吾之職廢
矣

〔孫承澤春明夢餘錄〕番役在唐稱為不良人有不良帥主
之

謹案今步軍統領在唐當為金吾上將軍之職而所屬

左右翊中郎將左右郎將則如今之協尉副尉果毅則
如今之步軍校左右街使則如今之巡捕營而所謂不

良帥者則如今之番役頭目也

〔唐六典〕城門郎四人門僕八百人掌京城皇城宮殿諸門
開闔之節奉其管鑰而出納之

謹案唐城門郎兼司京城皇城管鑰併為一職今亦互
見於護軍統領篇

五季

〔五代史晉本紀〕天福七年右金吾衛大將軍梁言使於契
丹

五代會要金吾衛後唐天成三年六月勅金吾每奏左右
廂內外平安有類藩方宜改云軍國內外并平安

五代史盧導列傳京城巡檢使安從進催百官班迎

五代會要城門郎梁開平元年正月改城門郎為門局郎
至後唐同光元年十一月卻改為城門郎

謹案五季金吾衛僅有虛名並無官守而京城巡檢使
主率兵巡邏實即唐代金吾將軍之職也

宋

宋史職官志左右金吾街司左右金吾仗司掌清道徼巡
玉海淳化五年八月判左右金吾街仗魏丕以新募千餘
人引對崇政殿太宗親選得五百七十八人其中取身品優

者三人為等分四營營設五都都有員僚節級一如禁兵
之制命田守信知右街事帝以京師浩穰街司循警用禁
軍非舊制特命左右街各置千人優以廩給始傳呼備盜
至是始分營部令魏丕更召募以充其數至道元年八月
閻承翰等為金吾都監紹興二年二月二十八日詔街仗
司以二百人為額

通雅明之錦衣衛為宋金吾街仗淳化置金吾四營魏丕
新募太子親選如禁兵之制者是也

李壽績資治通鑑長編仁宗嘉祐七年皇城司邏卒吳清
奏富人張文政殺人有司鞫問無狀

司馬光皇城司巡察親視官表臣等伏聞皇城司親事官

奏報有百姓殺人私用錢物休和事下開封府推鞠皆無事實欲乞元初巡察人照勘其皇城司庇護不肯交付臣等切詳祖宗開基之始人心未安恐有大姦陰謀無狀所以躬自選擇左右親信之人使之周流民間密行伺察當是之時萬一有挾私誣枉者則斧鉞隨之是以此屬皆知畏懼莫敢爲非今海內承平已踰百年上下安固人無異望世變風移宜有釐革而因循舊貫更成大弊乃至帝室姻親諸司倉庫悉委此屬廉其過失廣作威福公受貨賂所愛則雖有大惡掩而不問所憎則舉動言語皆見倚撫臣等常病國家擇天下賢才以爲公卿百官而猶不可信顧任此厮役小人以爲耳目豈足恃哉今乃妄執平民加之死罪使人幽繫囹圄橫羅楚毒幸而不自誣服僅能辨明若更不聽有司詰問元初巡察之人少加懲戒臣恐此屬無復忌憚愈加恣橫使京師吏民無所措其手足此豈合祖宗之意哉伏望朝廷指揮皇城司令送元初巡察人下開封府推問本情或別有仇嫌或察訪鹵莽各隨其狀依灋施行仍自今後永爲定制庶可以塞欺罔之源絕侵冤之門以全國家至公之道

謹案宋會要皇城司在內最爲煩劇掌宮城出入禁令權亞殿巖當如今護軍統領而所轄邏卒得司京城訪緝之政則又兼有步軍統領職事矣

宋史職官志左右軍巡司判官各二人分掌京城爭鬪及

推鞠之事左右廂公事幹當官四人掌推覆推問凡鬪訟
事輕者聽論決元祐二年置左右二廂三年置軍巡院判
官一員建炎三年令城外內分南北左右廂各置廂官以
聽民之訟分使臣十員以緝捕在城盜賊分六都監界分
差兵一百四十八舖以巡防烟火

謹案宋都城緝捕詰禁之事皆專屬之開封尹及臨安
安撫使故於開封府置軍巡司判官蓋卽今步軍統領
衙門員外郎等官之職而臨安府所置左右廂緝捕各
官則卽如今巡捕五營之職也

遼

遼史百官志五京都虞候司職名都虞候上京都虞候司

東京都虞候司南京都虞候司西京都虞候司中京都虞
候司○五京警巡院職名某京警巡使某京警巡副使上
京警巡院東京警巡院中京警巡院南京警巡院西京警
巡院○東京軍巡院東京軍巡使○中京巡邏使司中京
巡邏使耶律昱開泰間爲中京巡邏使警巡使巡邏使二
職互見五城兵馬

金

金史百官志武衛軍都指揮使司都指揮使從三品大定
九年以武衛軍六十八人兵馬一員副都二
員其職低故設使品正四品承安三年陞副都指揮使二
員從四品副都一員從四品初正五承
安三年陞判官一員承安三
年設掌防衛都城警捕盜賊○鈐轄司鈐轄十員正六品初設
二員

都鈐轄四員從七品

興定三年權設巡把兩宅

都將二十員從九品

定大

十六年

掌管轄軍人防衛警捕之事

承安元年設萬人內軍八千九百四十九

人忠衛二百人

○京城開陽宣仁安利平化通遠宜照利

川崇德迎秋廣澤順義迎朔順常廣智十四門尉從七品

副尉正九品○諸京警巡院使一員正六品掌平理獄訟

察別部總判院事副一員從七品掌警巡之事判官二員

正九品掌檢稽失簽判院事

警巡使互見五城兵馬司篇

謹案自北宋以後都城巡徼不復設有專職金始置武

衛都指揮以掌其事蓋即唐代金吾之職而鈐轄司則

如今之巡捕各營故亦隸屬於武職司也

元

〔元史百官志〕大都留守司留守秩正二品掌守尉宮闕其

屬大都城門尉秩正六品尉二員副尉一員掌門禁啟閉

管鑰之事至元二十年置以四集賽解見領侍衛篇為之二十四

年復以六衛親軍參掌凡十有一門曰麗正曰文明曰順

承曰平則曰和義曰肅清曰安貞曰健德曰光熙曰崇仁

曰齊化每門設官如上○虎賁親軍都指揮使司秩正三

品管領上都路原籍軍人置都指揮使三員副都指揮使

二員僉事二員經歷一員知事照磨兼承發各一員令史

七人譯史通事知印各一人典吏二人鎮撫二員都目二

員○大都路兵馬都指揮使司凡二秩正四品掌京城盜

賊姦偽鞠捕之事都指揮使二員副指揮使五員知事一

員提控案牘一員吏十四人至元九年改千戶所爲兵馬司隸大都路而刑部尙書一員提調司事凡刑名則隸宗正且爲宗正之屬二十九年置都指揮使等官其後因之一置司於北城一置於南城司獄司凡三秩正八品司獄一員獄丞一員獄典二人掌囚繫獄具之事

謹案元史兵志仁宗延祐七年五月詔留守司及虎賁司官親率眾於夜巡邏是元代都城巡徼實屬留守虎賁二司之事蓋大都留守兼有今提督九門之職而虎賁司爲上都路原籍軍人則如今之京營也其大都路兵馬司掌鞠捕奸盜亦與今巡捕營之職相合自明代言其舊名改設文秩遂爲五城司坊之職而溯厥源流

實當爲金吾街使之比今仍繫之於此表又攷元史載皇慶元年丞相奏每歲幸上都於各宿衛中畱衛士三百七十人以備巡邏今歲多盜賊宜增百人制可仍命樞密與中書分領之據此則元代於各軍司常制之外又別有巡邏軍爲隨時所調撥矣

明

孫承澤春明夢餘錄明初置錦衣親軍指揮使司以鎮撫司理衛中刑名如列衛而兼簡軍匠所謂南鎮撫司也北鎮撫司本添設專理詔獄成化十四年始給印分司得直達上下瀆司覆提領衛事者恆以都指揮都督或恩功或寄祿凡盜賊奸宄街塗溝渠密緝而時省之凡奉旨鞠獄

錄囚事與三司從事凡比試監焉

〔明史刑法志〕東廠之設始於成祖錦衣衛之獄太祖嘗用之後已禁止其復用亦自永樂時廠與衛相倚故言者並稱廠衛初成祖起北平刺探宮中事多以建文帝左右為耳目故卽位後專倚宦官立東廠於東安門北令僕隲者提督之緝訪謀逆妖言大奸惡等與錦衣衛均權勢益遷都後是也然衛指揮紀綱等用事廠權不能如至憲宗別設西廠以汪直督之所領緹騎倍東廠勢遠出衛上以萬安言革罷正德元年命邱聚領東廠又設西廠以命谷大用皆劉瑾黨也兩廠爭用事遣邏卒刺事四方天下皆重足立而衛使石文義亦瑾私人廠衛之勢合矣瑾又改惜

薪司外薪廠為辦事廠榮府舊倉地為內辦事廠自領之京師謂之內行廠雖東西廠皆在伺察中加酷烈焉瑾誅西廠內行廠俱革獨東廠如故張銳領之與衛使錢寧並以緝事忝羅織廠衛之稱由此著世宗時廠權不及衛萬厯初馮保兼廠事與張居正與王大臣獄欲族高拱衛使朱希孝力持之拱得無罪衛猶不大附廠也及天啟時魏忠賢以秉筆領廠專用衛使田爾耕鎮撫許顯純之徒專以酷虐錯中外而廠衛之毒極矣凡中官督東廠者曰督主東廠之屬無專官掌刑千戶一理刑百戶一亦謂之貼刑皆衛官其隸役悉取給於衛錦衣衛獄者世所稱詔獄也太祖悉焚衛刑具詔內外獄大小咸經灋司成祖幸紀

綱令治錦衣親兵復典詔獄遂用其黨緣借作奸數百千
端綱誅其徒稍戢至正統時復張天順末禍益熾朝野相
顧不自保鎮撫司職理獄訟初止一司洪武十五年添設
北司專理詔獄然大獄經訊卽送灋司擬罪未嘗具獄詞
成化元年始令覆奏用參語灋司益掣肘十四年增鑄北
司印信一切刑獄毋關白本衛卽衛所行下者亦徑自上
請可否衛使毋得與聞故鎮撫職卑而其權日重然廠衛
未有不相結者獄情輕重廠能得於內而外廷有扞格者
衛則東西兩司房訪緝之北司拷問之鍛鍊周內始送灋
司卽東廠所獲亦必移鎮撫再鞫而後刑部得擬其罪故
廠勢強而衛附之廠勢稍弱則衛反氣凌其上及後中官

大四百八十七
小九

愈重而衛使無不競趨廠門甘爲役隸矣

謹案都城爲四方會極民物殷繁故董正之司自古特
加慎重周官以門大夫譏察門禁以禁殺戮以下諸職
防治奇衰灋制最爲周密漢時執金吾城門校尉分建
兩官而又有司隸校尉以刺舉不灋所率中都官徒金
吾緹騎至千有餘人而都官從事亦得糾察京師及近
郡威勢甚盛故後漢書魯恭傳稱司隸典司京師四方
是則三國志程曉傳亦稱司隸校尉督察京輦蓋所以
杜姦萌而肅治化誠不可不崇其任也自唐迄宋其職
漸輕逮明復設錦衣衛寄以緝除奸宄之責其初制原
未嘗倚以斷獄而永樂以後委畀益親於是錦衣堂上

